

辛壬春秋

壬士珍題



捌

欽定四庫全書

PDG

K25T

42 三

新
子
船
齋

PDG

清臣殉難記第四十二 鄂川藏

自武昌兵起。有守土之責。或手握兵柄者。識時務。委隨風會與勢轉移。及棄官逃走者。不可勝數也。而臨難慷慨殉身不顧者。亦有人焉。夫死者人之所惡。生者人之所樂也。今有人焉。勢可以不死。義亦無所取其必死。而竟死焉。是必視其生有甚不可。且其意之所重。必更有甚於生者。故甯糜頂踵塗肝腦以赴之也。世界進化。學說日新。謂專制爲毒。謂忠君爲非。且并訾及先儒教忠之說。夫忠之爲義。國爲大君。次之。是有界說焉。程嬰杵臼之存趙孤。死貫高之明張王。死紀信之代漢高。死忠

君而死也。顏杲卿之守常山死，張巡之守睢陽死，忠國而死也。古之人蓋視君爲至重，謂忠君卽所以忠國，忠國卽所以忠君。君與國常不分。自孟子始分晰言之曰：民爲重，社稷次之，君爲輕。然自秦漢以來，孟子之說仍未大昌。則以君權太重，學者無敢引申其說。今以排除君權之故，謂君不必殉，因并謂殉國者之亦爲非也。烏乎可哉！又况忠君者之不果爲非哉！余觀辛亥殉難清臣，其大吏死職，及武臣被戕，或執戈戰死者，類皆殉國者也。至郡守縣宰，當大吏逃亡之後，督率無人，監司失主，進退尤可自專，而不逞之徒，冀地方亂肆，爲謠諑情。

勢危疑當此之時郡邑紳耆於地方長官無論賢否皆
攀轅卧轍泣涕挽留而不使去而爲之收宰者恆亦不
忍忽置之也乃不幸猝與禍會焉是忠於民而死也忠
民卽所以忠國意尤矜之故備列焉而竟佚其名與亡
其事實者亦不少也可勝歎哉至於義可以不死而竟
死者其執義雖少狹其守道則甚篤其操持亦足以風
厲末俗故並及之作清臣殉難記

吳北江云清臣黨人
二記網羅放失發潛

關幽有功世道人心甚太
亦史家不可少之著作也

程彬字筱竹江西樂安人湖北候補巡檢充武昌游民
習藝所所長宣統三年署鮎魚司巡檢八月十九日夜

新軍構變。巡檢署居城南。見火起。從役往救。至望山門外。突遇礮隊入城。皆袖纏白布。彬大駭。厲聲問曰。汝等反耶。眾舉槍擬之。彬益前致詰。遂見害。武昌首起兵。大吏瑞澂最先走。故官吏被難者。文職只程彬一人。武職工程營督隊官阮榮發。黃坤榮。排長張文濤。亦卽夕被戕也。

劉錫祺。字佩之。直隸天津人。以道員發湖北。入將弁學堂。畢業充第八鎮正參謀官。質直詳慎。處事無回曲。爲各營所推重。光緒三十二年。南北軍會操河間。錫祺籌度分部。悉合機宜。加正參領銜。自湖北治新軍。總督張

之洞以張彪爲統制。彪起家巡捕，治軍飾外觀，不省恤士卒。革命黨人陰施煽動，莫有固志。錫祺心憂之，而莫能匡正也。宣統三年夏，黨人破獲，輒株連陸軍。瑞澂不知大體，恣意捕殺，人人危懼。八月十九日夜，兵變。瑞澂、張彪相率走。武昌獨立時，錫祺方赴沙市催餉。二十六日回武昌，各營聞錫祺歸，爭往謁。趣令見元洪。錫祺正色曰：「國家歲費鉅餉練兵，原期爲國干城，禦外侮，奈何受人煽惑爲叛逆乎？君等勉之，吾不能爲君等所爲。」眾怒斫殺於座中。事聞，贈協都統。

錫祺既不附從革命，則不宜復歸以自取死。豈

有所劫不得已乎？此中必

尙有他故而傳者失之。

張曾疇江蘇無錫人生七日失母故字望岷少好學工書由諸生入湖廣總督張之洞幕中奉職勤慎爲之洞所倚信凡奏稿多出其手積勞保知府補用道三年八月武昌軍起總督瑞澂棄城匿兵艦中時曾疇方主漢口貨捐局事瑞澂索供張局帑爲罄局當礮火衝員司星散曾疇避租界中輾轉赴滬居二月復返漢簡料局事民軍邏者蹤跡之曾疇覺卽登輪返滬邏者復尾隨之至黃州遽出偪返漢曾疇諾之易輪上駛時方深夜邏者指曾疇編髮誚辱之詞穢難堪曾疇欸以酒食乘不備投江死後其家得其尸於團風鎮

張景良湖北黃陂人將弁學堂畢業生游學日本歸充
湖北新軍標統鄂軍之變初僅工程營百數十人餘應
者鮮而總督瑞澂提督張彪倉皇遁城內搶攘無主於
是各營相繼起歸民軍擁立都督設軍政府既獨立景
良說都督黎元洪曰人民革命望立憲耳今朝廷既允
立憲付與民權似不宜更言革命公受知遇久諸將聽
公盍三思之諸將聞言皆怒欲殺景良元洪不得已禁
之署中未幾北軍攻漢口急景良請赴前敵自效且以
妻孥爲質會總指揮何錫藩戰創不能軍乃以景良代
錫藩戰漢口甫交鋒前敵陣動景良遽揮後隊大呼曰

前敵敗矣。後隊速退。否則全覆。眾聞言大奔。人馬相填。藉泊陽邏兵艦。以大礮乘之。死亡益多。大智門遂爲北軍所奪。諸將言狀。請誅景良。景良臨刑仰天呼曰。某今日乃不負國矣。神色夷然。

桂蔭字積五。滿洲鑲藍旗人。以內閣中書充軍機章京。擢刑部郎中。簡湖北施南府知府。移安陸。安陸領四縣。堤工年久頽廢。桂蔭至。周歷全堤。見水齧隄成漩渦。狀極險。乃瀝陳大府。得巨貲。尅日興修。親督工。河干昕夕無懈。翌年堤成。水盛漲。四縣獲全。以故安陸士民尤親附。安陸爲襄樊門戶。故無兵。宣統三年武昌軍亂。桂蔭

與鍾祥縣知事田芸生招集團防。並請兵於襄陽道喜源。調操防軍馬步五營至。而以劉文玉爲統領。已而德安荆州先後陷。劉英據天門。戕知縣榮濬。風聲愈惡。喜源復遣鄖陽陸軍百人來助防。陸軍管帶張楚材排長。白星垣。雄黠有異志。肘腋之患最爲難防言之可爲世鑒時訛言蠡起。餉

糈艱乏。統領劉文玉。恇怯不能軍。出巡潛江。遇武昌逃軍則駭走。十一月戊辰。各軍官計事縣署。楚材陰遣陸軍圍府署。槍聲作。楚材謂文玉曰。操防軍譁變矣。統領曷出鎮撫之。文玉倉皇出。見執械者皆陸軍。卽趨北門。斬關走。楚材星垣遂入署。收知府印。趣令去。桂蔭朝服。

率妻吉喇氏投署後井井口隘不得入乃趨文廟崇聖
殿自縊死初劉英據天門危急或說桂蔭宜自爲計桂
蔭曰吾與城爲存亡脫不幸吾自有去所也已而軍政
府檄至禁妄殺滿人不抵抗者郡人咸喜奔走來告桂
蔭笑應之至是竟從容就死安陸民黃芝舫等感其義
爲營葬樹石後其子柏壽來歸骨士民悲思復爲衣冠
墓封識其上而就節孝祠故字爲祠祀其得民如此
存厚字寬甫滿洲正白旗人監生由內務府郎中選湖
北宜昌知府年餘以疾去久之再選宜昌歷攝漢陽黃
州德安安陸知府存厚在官廉靜不擾再知宜昌商民

尤親愛之。宣統二年解任。調筦襄陽張家灣樞局。三年十月癸亥。光化知縣黃仁蒞至河口。與巡防營管帶周飛鵬籌練商團。陸軍兵士張國荃李秀昂十數人暴起。河口爲亂。飛鵬聞警出慰之。不服。飛鵬拔佩刀擬之。國荃遽開槍殺飛鵬。飛鵬字翔千。江西新建人。由武舉人從軍。爲襄陽防軍馬隊管帶。旣死。卽夕國荃劫黃仁蒞襲郡城。襄陽道喜源先一日假巡邊名遁。時襄陽官獨存厚與同知祥泰。祥泰出降。稽查長傅登喜。遽張白幟。局門存厚揮家人避民家。曰。吾嗣倘不絕。死無憾。兵勇入爭索金。金盡。李秀昂揮兵引至北門外校場殺之子。

三齡民軍挾之馬上疾馳亦驚悸死宜昌士民間之流

涕曰太守若不去宜者吾人護持之必不死補筆實回筆也萬牛

回首邱山重乃共集貲送其妾及其二子留宜者北還

榮濬字心川荆州駐防蒙古鑲黃旗人光緒甲辰進士
用知縣發湖北宣統三年除天門知縣未到官縣人有
造訪餽白金者值謁總督未歸其人留金去及歸命僕
還其金戒勿復來其操行不苟如此未幾武昌亂有荆
防旗人自武昌逸歸道天門述變兵仇滿人狀且爲榮
濬危榮濬曰吾曹食國家餉二百餘年當有以報矧吾
有守土責能守守之不能死耳不知其他乃集紳耆練

民團自保十月鍾祥民軍劉英率數百人來攻城陷被害

勞謙光山東陽信人北洋武備學堂畢業應聘教習山西尋充馬營管帶入貲爲知縣仍官山西山西風氣故樸墜新政創始謙光提倡力爲多以勞擢直隸州知州數歲改充北洋第三鎮參謀官移六鎮工程營管帶武漢事起率赴前敵築橋漢水上橋將成敵爭之力礮丸雨射謙光督視不少卻猝中礮卒謙光旣卒橋成師竟渡漢克漢陽謙光篤風義官晉時同里曾筱峯母歿太原殯不得歸後筱峯依謙光天津復邁危疾執謙光手

泣曰吾母未歸葬死不瞑目謙光慨然自任卒使人求其母喪與筱峯喪並歸葬擇其族人子爲之後陽信人至今義之

恆齡字有蘭號錫九滿洲正藍旗人荊州駐防先世揚古利以功封武勳王幼補旗籍生員由驍騎校累擢至協統旗員習多驕惰恆齡獨折節讀書光緒二十六年拳寇起黨人聞風煽亂焚沙市薑船及領事館稅關外國僑民多奔竄恆齡率二百人馳往誅首要散脅從護持避難外人亂遂定防營積弊久恆齡創編新軍設堂講武教習簡練氣象一新將軍綽哈布疏薦其才充營

務處總理加二品頂戴恆齡乃條具四事曰設警察以資保衛興學校以廣教育清財政以濟餉饋練常備以供調遣皆奏行復創設八旗高等學堂陸軍小學堂裁新軍陋規爲經費謁總督張之洞索助萬金訪延俊才聘充教習嚴立章條校風肅然學部攷察學務奏稱荆州爲第一尋充荊州振威新軍統領調充省城督練處參議將軍恩存總督陳夔龍交章稱薦後夔龍移督直隸調充北洋督練處參議宣統元年充熱河練軍統領汰冗補缺夙弊一空大盜葛蘭亭周洪果久稽誅恆齡至二月次第就擒推功將校已弗與二年簡寧夏副都

統朝陽士民呼籲請留鎮總督上聞朝命以西陲邊要弗許既到官議開渠屯田裁旗歸農嚴煙禁設方畧甚備三年五月丁父憂馳歸迎父柩萬縣及行至宜昌而鄂亂適起道梗還荊州將軍連魁奏請幫辦軍務旋命署荊州左翼副都統恆齡以荊州川鄂咽喉襄樊屏蔽既受任毅然以城守爲己責時民軍四起餉匱援絕同官狐疑皆不欲戰恆齡忼慨出私財餉軍獨督戰甚急十月丁酉敗宜昌民軍於草市復敗之萬城堤時方患癰晨夕裹創巡城血縷縷霑衣袂旣湘民軍王正雅亦率數營至民軍來益多攻愈亟旗卒多死亡亡者家屬

赴恆齡邸哭詈恆齡城久圍米鹽乏人心解體恆齡仰天歎曰人心去矣臣力竭矣惟殉身可以自明十月甲寅晨起朝服坐堂皇發手槍洞胸死死數日將軍連魁右翼副都統松鶴開門納民軍荊州失事聞予謚壯節荊州駐防官吏先後死難者參謀德濡統領松興防禦多瑞驍騎校金霖炳安哲森都司榮綿舉人迎禧

駱兆綸湖南江華人爲蘄州吏目能究知州中疾苦人士賢否官蘄二十年爲歷任州宰所倚重辛亥變起知州已去州民以兆綸在蘄久遮留兆綸兆綸以母老願送出境還主州事州民許諾兆綸送母至漢口復還蘄

望見州城痛哭投河死。又嘉魚縣臬洲司巡檢方祖楨。穀城縣石花街巡檢王萃奎均殉難。祖楨安徽桐城人。萃奎江西豐城人。

端方字午橋號匊齋。姓託和洛氏。滿洲正白旗人。舉人以廕生用主事。遷工部員外郎。丁父憂。逾年復遭母喪。山東巡撫張曜疏薦其才。命發山東。辭不赴。服除補官。充張家口監督。擢工部郎中。二十四年。以御史記名。時海內維新。士馳騫新學。端方作勸善歌。言善得上聞。簡直隸霸昌道。擢山東按察使。二十五年。遷陝西布政使。攝巡撫事。移河南布政使。未之任。而拳寇亂起。晉豫繹

騷翌年太后皇帝西巡駐蹕陝西翊衛謹敕兩宮安慶
二十七年遷湖北巡撫攝湖廣總督三十年移江蘇巡
撫攝兩江總督移撫湖南所至賓禮耆彥調和新舊聲
望翕然三十一年遷閩浙總督未到官詔赴東西洋攷
察憲政分道赴海周歷各國八閱月歸撥擷各國憲政
爲書奏進之宣統元年移直隸總督會孝欽后葬東陵
王公親貴送葬者雲集而供張甚簡親貴多怨之及歸
坐擅張電鐙陵樹靈輿過拍照大不敬罪罷免三年郵
傳部收鐵路國有詔以侍郎候補督築川粵漢鐵路時
川粵湘鄂民請收回國有成命大譁四川尤亂七月命

率鄂兵一協入川按視既而政府愈操切川亂愈大自成都以及各屬咸罷市罷課以相要同志軍蠡起文報不通政府乃復詔起岑春煊入川端方聞川亂甚而春煊來也因留滯夔峽間不進八月武昌亂起九月進駐資州命暫署總督初川京官曾鑑等奏劾趙爾豐誣奏正紳爲逆濫殺無辜事下端方至是奏覆屬實四川司道降黜有差繇是川官吏深惡端方端方因久駐資不欲至成都當是時保路同志軍愈多黨人煽之鄂軍以深入孤立涵懼因攜貳欲殺端方以自明會得田徵葵等僞電謂北京陷兩宮西狩詔端方入陝勤王也端方

讀罷哭失聲卽犒師欲入陝鄂軍官董海瀾知眾不欲
行因喉令爲變十月辛亥平明隊官劉鳳怡突擁端方
至天后宮與弟端錦同被害函其首送武昌事聞贈太
子太保予諡忠敏民國元年鄂軍始歸元改葬端方嗜
古收蓄古鼎彝碑版書畫甲海內西游歐州拓埃及古
王像及文字皆五千年古蹟分贈國人性好客開府江
鄂招延文士詩酒流連無虛日人以阮太傅畢尙書比
之

趙爾豐字季和漢軍正藍旗人初以鹽大使官廣東改
知縣補山西靜樂縣擢河東監掣同知尋改道員從都

統錫良至熱河錫良督蜀疏薦其才署永甯道以能治盜名尋除建昌道廉公有威夷漢讐服光緒三十一年駐藏幫辦大臣鳳全行至巴塘喜其地肥沃欲墾之番民驚疑戕鳳全錫良奏遣爾豐與提督馬維騏率師討之三月克巴塘火丁林寺誅其堪布及土司以糧運艱馬維騏先歸留爾豐靖餘寇爾豐經營西康自此始三十二年正月克鄉城定裏塘八月命爲督辦川滇邊務大臣爾豐以康地旣爲中國屬任土司自爲雄長兼併吞噬或爲藏番驅役轄治墮威長亂不可旣主邊事首奏請巴塘裏塘改土歸流并馳歸成都與川督錫良滇

督丁振鐸議方畧十二月鹽井翁臘寺爲亂討平之三
十三年正月命護四川總督爾豐卽修治關外道塗建
旅舍募農民開墾奏遣吳嘉鏞興學務聘美人開金鑛
創製革廠於巴塘建鋼橋於河口購置織絨麵粉機器
并奏設巴塘裏塘各縣治地方興革次第陳奏允行西
康規模粗具三十四年正月詔爲駐藏大臣兼邊務大
臣爾豐以邊地方草創難入藏宣統元年奏辭駐藏大
臣專任邊事爾豐之治邊始威之以兵繼懷之以恩威
望日隆番民悅服仰若神聖三年三月詔署四川總督
當是時爾豐經營邊地已七年凡德格察木多乍了所

記
屬數十部落皆定。爾豐惜其功未竟，不欲來，奏辭不允。乃請以道員傅嵩焘代理邊務。大臣而仍不卽行。又數月，征服瞻對及明正各土司，一律改流，設官畢。凡創設道治二，府治三，縣治三十四，而以巴塘爲行省。廣幅員數千里，凡蠻民跳梁稽誅，戕官殺吏，國家以輪輓艱難，數十年不能正其罪，而引爲深恥。及藏番橫征暴斂，蠻民苦苛政，無可告語者，爾豐悉草薙禽獮之雪。國家夙仇，出蠻民水火日永，天雪地戎馬馳驅，蓋自清以來，治邊者無有著功若此者也。其詳盡載西康篇中。西康地旣大定，爾豐始行。閏六月至成都時，川人因鐵路國有。

民氣沸騰亂已數月矣。初川事起，署督王人文輒爲代奏，請收回成命。政府以人文懦，不能深惡之，嚴旨詰責。爾豐來以民氣難闕，仍爲代奏，仍不許。李稷勛者，川路宜歸總理也，私與郵部約築路，不受公司命。川紳以稷勛專擅妄爲，請爾豐代奏罷之。及奏上，郵傳部復請欽命稷勛管理路事。川紳以郵傳部侮辱川民已甚也，自成都以及各屬咸罷市罷課以相要。自是川亂遂大難。以制止政府以爾豐仍不能，乃命端方率兵入川定亂。未幾學生嚴一士撰自保商榷書爲爾豐所見，爾豐以其詞妄疑局紳蒲殿俊等所爲，捕十一人。川民懼殿俊

記
第四十二
三
等誅死也。圍督署呼籲者日數萬人，諭解不聽。田徵葵乃揮兵擊斃數十人。川亂因益張，保路同志軍蠶起。政府乃復命岑春煊入川按視。春煊未至川，而武昌亂起，天下響應。川自七月文報不通，風氣阻絕。至十月訛言北京陷，皇帝殉難。川紳說爾豐宜俯從民望，讓政權，而以保全旗民爲誓約。爾豐從之。至十一月，尹昌衡爲都督，遂違約殺爾豐。事備詳四川篇中。爾豐之急求援於邊務大臣傅嵩煇，爾豐旣死，嵩煇始出打箭爐。至雅州戰敗，爲川人所執。於是川邊無主，大亂。爾豐經營舊績，遂以次墮毀殘破，論者至今惜之。

汪承第字棣圃江蘇太倉人年二十補州學生家貧出
佐湖北學政幕臬司陳寶箴聞其賢延充幕僚久之以
知縣發四川摧稅重慶香國寺唐家坨本生母歿請丁
憂格於例上官弗許承第持服踰期乃出會甯遠夷亂
輸送軍械襄理營務夷平攝大足縣川漢鐵路租股繁
苛請大吏歲減萬餘金以紓民困移攝會理滇叛兵入
境集土兵禦之剿撫並用所向收平調南川永川永川
有公口者燒香結盟之祕密會也會黨滋蔓永川尤甚
承第密偵得其渠率善誘之不戮一人而公口會解出
會中儲積爲自治費編練保甲羣盜屏跡承第爲政嚴

記
卷四十二
四
肅民初以爲拘苦去後輒見思其在南川常夜出持警
杖遇有爭競輒就決之兒童至不敢謹於衢市城外田
間有聚博者或陽呼曰汪官至矣則皆走匿其見憚如
此宣統三年鐵路事起官紳大咀晤附郭數十州縣同
志軍蠡起兵民交閔大吏以承第能敕攝雙流雙流距
成都近士氣尤囂七月同志軍犯雙流承第會防軍登
陴死守相持一夜賊縱火燒關廂會援至圍解士民感
奮十月趙爾豐卸政權同志軍至益多孤城久無援甲
寅以事至簇橋被圍中槍死子曾源官直隸請當事上
聞追贈知府自亂起州縣死事得上聞者祇承第一人

承第性孝友篤風義官大足時有友人負巨債繫獄爲償三千金釋之事如此者多不具錄也

徐昭益字謙侯浙江烏程人前江蘇巡撫有王從孫少隨父游蜀佐刑幕以知縣官蜀擁鹽釐萬縣商民頌其寬仁宣統三年四月攝威遠縣事時川人爭路同志軍蠶起土寇會黨假名義報私怨乘機剽掠昭益集紳耆以保土保民爲己任會有土寇過境昭益率團丁數百人出城諭解之不從猝戰敗績退入城登陴守飛書乞援書爲寇得圍益急九月丁丑奸民胡姓爲內應城陷遂見執擁至三費局越日昭益坐廳事寇渠八人入列

坐昭益厲聲問何不遂殺我一酋直前若有所白突以
利刃刺昭益僕賴福護之被創血濺昭益衣袂昭益大
罵被戕士民間其死無少長莫不悲憤既爲墓葬昭益
寇退集重賞購胡姓殺之墓前

章慶字勤生浙江會稽人習刑名游幕蜀中爲總督錫
良藩司沈秉堃臬司馮煦趙藩所器重後以知縣發四
川除射洪歷知劍州冕甯諸邑事所至興學校勸蠶桑
開工廠興水利平道塗而捕盜尤勤野夷聞風歸誠土
寇畏威歛迹最後知西昌西昌盜尤熾已革村保張國
恠者太陽教魁也惑眾歛財與裁缺千總黃義庫相結

爲奸利會爭路事起。邛雅諸州土寇蠡起，防軍移防大渡關。國怔義庫偵甯遠空虛，遂與土寇合謀爲亂。九月戊辰，戕德國教士羅尙德、甘呢伯於德昌。翌日圍攻府城，慶方督兵與戰，奸民開城力戰死，兄子鏞從死。

曹彬孫字藹辰，順天府武清人。光緒癸巳舉人，以河工勞保知縣，發四川。宣統二年署奉節縣知縣，三年補開縣知縣。未赴，七月彬孫聞省城官紳因爭路構衅，卽練鄉圍衛縣城，而同志軍蠡起爲亂。彬孫隨方禁阻，及武昌兵起，屯聚益眾，憚彬孫嚴，仍未敢逞。十月丁巳，萬縣失守，庚申民謹言土寇入城，彬孫亟率圍勇出巡，行至

協臺壩寇渠陳海田邢輝五擁眾暴起而團勇已受煽
不戰散走遂見執斫其首置縣堂皇案上越日同志軍
大集推徐文升爲司令夔州遂失守

羅長禱字申田湖南湘鄉人光緒二十一年進士改庶
吉士散館授編修改道員發江蘇旋改四川從趙爾豐
督川邊軍事長禱日在兵間飛書草檄聲績著聞宣統
二年簡駐藏左參贊大臣聯豫命主兵備處會新調川
軍至藏長禱出簡閱礮隊大譁長禱白聯豫聯豫怒命
鞭管帶官而易之由是協統鍾穎銜長禱鍾穎報入川
費六十萬長禱汰其浮冒二十餘萬鍾穎益怒三年五

月鍾穎率師征波密累戰輒挫大臣命長禱馳往代將
長禱馭兵嚴方激厲將士規進取而藏軍譁變鍾穎嗾
亂兵掠長禱私宅長禱在波密未之聞也川軍大半皆
哥老會聲氣通聞拉薩旣變波密軍亦變鍾穎復陰嗾
兵士繫長禱使服勞役偶得脫自投崖下臂折不死遂
見害其妾挈幼子匿蠻丐家不知所終後二年有人告
發鍾穎亂藏各罪長禱家人亦赴愬京師鞠得實誅鍾
穎

清臣殉難記第四十三 晉 陝 豫 隴 新疆

陸鍾琦字申甫先世爲浙蕭山人曾祖澈祖保三游京師遂爲宛平人父春榮績學不仕以教授終其身盛伯熙祭酒其弟子也鍾琦少劬學以拔貢生選撫甯訓導至光緒十五年成進士改庶吉士散館授編修充國史館纂修翰林院協辦院事功臣館纂修提調本衙門撰文常管八旗官學從大學士徐桐賑災直隸遇事能持大體勤樸勞瘁並爲桐所倚重二十六年拳匪起京師桐惑之鍾琦屢諫諍桐不聽致敗及聯軍入都天子西狩鍾琦聞卽闔戶自經會庶母至解纒捄醒慰之曰城

雖破天子無恙報國之日方長耳。鍾琦涕泣得不死。初鍾琦事父至孝。京察一等。以府道記名。卽自陳父老不願外除。又數年父卒。服除復列一等。遂簡江蘇督糧道。釐弊剔蠹三十四年。擢湖南按察使。訂州縣勘獄鞠狀表限。綦嚴。繇是獄無留滯。如蠲宿疴。並親勘東安雷發龔獄。致邑生文炳奎於法。楊林所與十甲爭洲田獄。致哨官李某於法。二獄皆株累百數十人。數年不解。鍾琦一讞而定。人稱神明。宣統元年。擢江蘇布政使。時新政日興。歲入不足。鈎稽年餘。出入相準。三年。擢山西巡撫。到官三月。而武昌變起。秦軍響應。風聲達太原。鍾琦懼。

新軍變而秦軍渡河也。檄步兵礮兵各一營出防潼蒲。九月辛未礮隊已行矣。壬申黎明步兵突變圍撫署。鍾琦與子光熙妻唐夫人均被害。協統譚振德管帶熊國斌亦隨死。語詳山西篇中。事聞優詔褒卹。賜諡文烈。光熙追贈三品京堂。子謚文節。鍾琦性方正嫉惡嚴。其去湘也提學使吳慶坻爲置酒餞別。酒酣鍾琦忼愾曰。吾才短而性卞急。視宵小如仇。脫遇世變時難乎免矣。後卒如其言。光熙以翰林學陸軍日本歸國授侍講。器宇雄偉。倉卒殉難。人尤惜之。

譚振德字子明。直隸天津人。武備學堂學生。調新建陸

軍以參領充山西四十三協協統山西僅陸軍一協振德爲人寬厚爲士卒所親附武昌兵起巡撫陸鍾琦履任甫三月旣而西安響應振德與參議官姚鴻法建議以重兵助守潼關鍾琦從之遂於九月辛未發新軍一二營子彈翌日南行繼又令熊國斌率第三營同往三營有黨人王建安者搆於一二營謂三營將於中途襲擊一二營二營管帶姚以价知眾不欲遠行備戰聞言激軍士爲變卽擁眾入城振德聞警單騎馳赴遮道宣諭以价恐撓眾心遽舉槍擊斃之熊國斌以事前不肯與亂亦同日被戕死事聞振德贈協都統國斌贈正參

領照陣亡例賜卹

陳政詩字詠笙順天人先世有官陝者遂家漢中幼隨父湖南年十九從湘軍西征後充奉天防營統領光緒元年以知縣發山西歷爲陽城平遙天鎮知縣應州知州薩拉廳同知兼統防營所至以廉惠稱後套亂巡撫張曾駁命率師討平之以功擢知府以道員用曾駁移浙奏調入浙統嘉湖防軍曾駁去被讒劾罷宣統元年增韞撫浙奏爲昭雪且言臣昔官奉天親見政詩軍紀嚴整持躬廉潔雖古名將無以遠過詔復原官再至晉宣統三年爲南路巡防隊幫統兼領步兵駐澤州九月

晉亂移駐隘口。民軍劉漢臣率兵千餘人來攻破之。再戰再破之。方乘勝追擊。會有學生來言。有詔命停戰。乃進駐絳州。會民軍與陝境刀寇結。陷運城。平陽被圍。勢復張。有勸去者。叱曰。吾奉上官命來守南路。若何棄之。必死守。十一月癸未。運城民軍逼絳。絳紳有通敵者。開城。政詩督所部巷戰。力竭。與弟敷。詩隊官陳順興。劉占魁。同被執。死後月餘。有所部營官自澤至。絳見政詩首。猶懸城門。潛焉出涕。始宛轉言於民軍。歸其元而斂之。陸敘釗。字磐芝。順天人。原籍蕭山。少厲志節。從軍西甯。以功擢知縣。從左宗棠。司轉運。佐幕山西。巡撫曾國荃。

極重之擢直隸州。歷知靈邱、應州諸州縣事。凡十二并著聲績。而官靈邱十年，尤得民心。光緒二十六年，拳寇大起，欲闌入境。敘釗則大治團練，禦弗使入。縣境獲安。其治高平、永甯縣，民方聚眾抗捐，敘釗至撫慰之。眾皆曰：「好官來，其言可信。」事卽解。宣統元年，以卓異薦。二年擢河東監掣同知。三年九月，太原亂，巡撫死，運城有鹽池，號富庶。敘釗則大治團練，嬰城固守，冀保餉源。後民軍起，招陝境刀寇合薄運城。十一月丙子，城陷。敘釗仰葯衣冠坐堂皇死。長子文治官河南，自裕州來省，遣還。至開封，聞變，哀憤死。幼子出逃，亦爲亂兵所戕。

齊世名字壽農直隸天津人山西候補知府攝陶林廳同知九月兵變被戕同時岢嵐州知州奎彰與前知州世泰方交替防營突變同被戕世泰滿洲鑲黃旗人奎彰亦旗籍

文瑞鈕鈞祿氏鑲黃旗人先世穆克登布官甘肅提督二等男爵文瑞幼襲爵充頭等侍衛擢馬蘭陣總兵兼內務府大臣以甯陵樹蟲災褫職尋復官簡歸化城副都統攝綏遠城將軍移青州副都統成都副都統未之官擢西安將軍關中風氣樸僿陸軍成一混成協靜謐少譁囂惟標統張鳳翽起家學生雄武有大志張雲山

者武備學堂號兵而紅漢會渠率黨與眾多兩人者甚相得也宣統三年八月鄂軍變訛言遙起巡撫錢能訓懼張皇激變不爲備文瑞與副都統承燕則大懼陝自榮祿爲將軍購槍三千支發旗兵備戰守及榮祿去數年旗卒盜售之至是盡無一存難悉誅不得已乃商借於巡撫錢能訓能訓予之黨人錢鼎等以旗兵有械也大恐九月朔諮議局開會將軍巡撫咸蒞會行禮道還將軍前騶忽中彈死三人有告者曰新軍變自西門入矣文瑞紆道馳還與副都統承燕克蒙額集營兵分陴守新軍攻之不能下翌日午新軍請和遣協領葆鈞與

議不協復戰。新軍昇大砲鐘樓上，猛轟之。旗卒多死亡。未幾，新軍破東門入。張雲山下令屠城巷，戰一夜，旗卒死二千餘人。婦孺投井自焚死者尤眾。文瑞卽整衣冠投井死。臨死，召子熙麟，口授遺摺，命乘間達京師。以道梗，至都遲不及贈卹。而左翼副都統承燕、右翼副都統克蒙額、協領斌恆、防禦多英、佐領瑞明、驍騎校文昭、知州寶坪、舉人喜明、貢生惠祥、春詳皆全家殉難。尤爲慘烈。餘力戰死者驍騎校奎亮、林啟、林璋、舉人惠斌、附生金常、武舉人德林、布自亂起，各省駐防旗兵四川、最安、江甯、福州各死數百人，獨西安死數千人，其被禍尤慘。

云。

德祐清宗室。字受之。宣統二年。以禮部儀制司郎中。授陝西鳳翔府知府。三年九月朔。西安亂。德祐聞警。卽與知縣彭毓嵩。籌守備。募團勇。令湘人劉瑞麟統之。與王參將分任防守。辛未夜。土寇假民軍名。驟集千餘人。攻府城。德祐與毓嵩登陴守。激厲將士。殊死戰。寇氣奪。將引去。會環城穴居奸民。前因禁烟失業。恨縣官陰爲寇內應。天明城遽陷。寇入。先拘毓嵩去。左右說德祐走避。德祐曰。此吾死所也。何避爲。寇旣戕毓嵩。卽蠶至。大呼曰。知府滿人。且宗室。速殺之。遂與二幼子俱遇害。王參

將同州人佚其名。城破與賊相搏，自戕死。

楊調元，字孝羹，貴州貴筑人。光緒丙戌科進士，戶部主事。以親老終養，終喪入都，改官知縣。選陝西紫陽，以能治蜀寇著聞。更歷華陰、咸陽、富平、寶雞諸縣，皆有聲。宣統三年，移渭南。九月，西安軍亂，旁郡縣守令多委去者。調元慷慨曰：「吾守土官，知保民耳，不知其他。」集士紳議城守。渭南北多刀客，平居拍張殺人，尋仇然能約救其黨，不爲亂。聞縣君言，大感動，爭來自効，誓死衛桑梓。數日，集數千人。韓有書者武進士，夙爲刀客所敬憚。調元檄有書領其眾，擊禦鄰寇，無敢入境。會臨潼武生張士

瑗自稱奉省令爲宣諭使率土寇數百至城下有書莫知虛實不敢擊闔門拒之士瑗大噪將攻城調元乃登俾語士瑗釋兵入城從容議士瑗許諾率眾入言省軍餉絀議加賦也調元持不可出俸金五千畀士瑗士瑗少之語不遜調元曰吾朝廷守土吏委曲求全如此者冀安百姓不被兵不能有死耳士瑗罷出縱其黨入城爭圍局餉相攻擊大亂翌晨調元投井死士民間調元被逼死也則大憤羣奔縣廨執士瑗磔之并殺其黨數十人而葬調元畢家原調元博聞強記能背誦通鑑長編及漢唐名人列傳垂老不遺一字工詩善篆書攷訂

音韻金石論著甚眾。遭亂盡佚。子通輯其遺文爲二卷。楊宜瀚字吟海。四川華陽人。兄宜治。官太常寺卿。宜瀚幼好學。家貧常爲人司書記。屢應鄉舉不第。西走烏魯木齊。佐都統金順幕。治軍書。爲金順所倚重。積勞保知縣。光緒辛卯入都。應試中式。舉人。遂以知縣發陝西。性耿介。不肯隨眾俯仰。居數年。補興平知縣。逾年始得之任。鉏姦剔蠹。推獎賢俊。頌聲大作。庚子大荒。宜瀚奔走賑撫。鬚髮爲白。年終無餓死者。在職五年。舉卓異。保直隸州知州。加四品銜。調商州。期年。復返興平。籌辦新政。大府遣赴日本。攷查學務。歸署寶雞。涇陽。渭南。富平。咸

甯皆有惠政。在咸甯時，巡撫恩壽婪索，以宜瀚久宦，遣人示意。宜瀚不爲動，假事召責之。宜瀚抗論無少屈，退擲其冠於官廨，曰：「吾豈戀此者耶？」求去甚力。布政使強留之。逾年，恩壽死，調署華州。不數日，省城變作，奸民嘯聚，以籌餉爲名，逼迫官吏無人理。九月甲戌，土寇犯渭南，猝至華州，入城劫宜瀚及其家屬。至甘露寺，拘之，賊有繫獄前爲宜瀚所活者，夜半入謁曰：「公勿憂，明日某當竭力護公出。」宜瀚謝之。戒家人趣就寢，獨身至神殿自經死。宜瀚與楊調元、齊名、陝中稱循吏，必數二楊卒同殉難也。

彭毓嵩字鏡孫四川宜賓人光緒甲午舉人官洪雅教諭學行修飭學政疏薦之引見用知縣選陝西鳳翔未一月以事呈吏議解官久之復還鳳翔聽訟明允頌聲大作宣統三年九月西安軍亂鳳翔防軍奉檄赴援既行而土寇大起驟集數千人圍攻府城初毓嵩禁鴉片嚴秦民狃故習多怨之至是莠民與防軍藉洩忿通敵勢洶洶毓嵩恐受辱自經丁役趨救之士民感德者亦爭來請引避而寇猝至毓嵩從容出堂皇北向拜起語眾曰吾有死耳任爾等爲之遂被戕

以下敘死難諸人
歷落有致三國志

用此法
最多

陝守令死者楊調元等外知縣德銳歷宰秦中

有聲城陷舉室自焚立門外大呼吾旗人德銳請殺我
民軍知其賢不忍自到死陳問紳鄂人白水知縣城陷
死榮麟候補道權稅白河兵變投井死張存善知州權
鹽釐鳳翔兵變死安徽提法使張毅字仁甫天津人自
甘肅甘涼道擢安徽提法使九月行至乾州道梗止逆
旅陝將張雲山請爲參謀不可羈不得行會疾作州人
爲言於陝軍出就醫十一月甲辰投井死

玉潤漢軍鑲紅旗人光緒末以鑾儀衛治儀正出爲甘
肅秦州營游擊武昌事起總督長庚持鎮靜繼聞陝西
響應屠駐防軍幾盡乃大戒嚴會升允自陝至平涼奉

命撫陝。奏調回兵馬安良馬福祥各軍暨陸洪濤新練一軍分道規陝軍容甚盛道員黃鉞者前新疆提督黃萬鵬子宿與南方黨人通充軍事參議長庚令別募一營赴秦州與副將崔正午規隴州至則正午已從固原提督張行志破固關復隴州鉞欲沮其進師正午不聽遂與張行志合師攻鳳翔未幾升允亦督馬安良分軍平甯夏亂進克長武邠州永壽直逼乾州十二月陸洪濤越乾州克醴泉進規咸陽張行志亦自鳳翔迭克汧陽岐山各境黃鉞欲通陝謀獨立以陝軍敗挫乃陰引川軍入甘爲援玉潤偵知日與守備習斌籌守禦以限

於兵額末由增募。民國元年三月丙戌，黃鉞突率眾入城，據各局署，而遣哨官譚祝萱以兵圍游擊署。玉潤列隊出拒，甫交鋒，中彈殞於陣。鉞遂據道署爲軍政府，稱正都督，以巡道向榮爲副都督，出居州判署。越七日，遜位詔自新疆電達蘭州，長庚去官入蒙古，升允亦罷。趙惟熙爲都督，令鉞去軍政府名號。鉞以舉事後先爭持數月，乃去。玉潤家屬始扶櫬歸。

謝寶勝，字子安，鳳陽人，少孤貧，長爲武生。同治初從征西陲，後隸馬玉崑、克肅州及關外諸城，常奮矛前驅。後以事與玉崑不合，棄官走博克達山爲道士。玉崑移畿

輔爲奏補守備。乃復出中。曰：戰起，從玉崑戰，奉天失利。玉崑弟陷重圍，寶勝突圍救之出。和議成，寶勝憤激，復爲道士，居北京白雲觀。中光緒二十六年，大學士榮祿調充武衛護軍統領，尋調赴河南，爲毅軍巡防營統領，駐兵嵩洛陝汝之間。豫西故多盜，而洛陽張黑子、嵩縣王天縱、汝州董萬川尤悍。黑子隱巖谷深處，寶勝購謀偵其將出掠，設伏殷司溝，出不意擒之。數月復擒萬川於產莊。天縱懼不敢出河陝，汝之民乃得安枕。以功累擢至河北鎮總兵。宣統二年，移南陽鎮總兵。南陽劇盜王八老虎聞寶勝至，移書定期決戰。會天大雪，前期

五日潛師薄賊巢賊不虞官兵至據中庭死守士卒中
礮殪者相繼寶勝奮身先入遂火其廬繫其渠南陽自
是盜絕踪

兩爲道士兩破土寇
皆敘得奔奔有生氣

三年八月武昌兵亂南

陽與鄂鄰革黨滋蔓訛言四聞寶勝敕部曲日夜巡邏
數十日目不交睫而郡縣多響應將士以餉缺觀望不
欲戰十二月新野陷寶勝集官紳籌軍食議戰而大吏
飛檄戒妄動寶勝憤甚除夕凌晨赴校場誓師及歸而
知府徐承焜及縣官皆欲遁寶勝以大義挽留之當是
時紳士款敵士卒以饑多引去翌晨元日寶勝黎明詣
萬壽宮朝賀俟久之無一人至乃獨跪拜如禮出門遙

望鎮署火起民軍入南陽陷矣寶勝恐巷戰殃居民乃率百餘人走裕州及抵裕城亦懸白旗且遜位詔至寶勝謁知州索讀之大哭失聲揮將卒令去夜午屏僕從易朝服以槍自擊洞胸死將卒聞聲趨視號慟倉卒不得楷以大旗裹尸舁至獨樹鎮斂之年五十四寶勝短軀幹面犁黑目光如電在馬上揚眸瞻矚見者讐慄其治盜恆短衣徒步自爲偵謀或詭爲賣刀者刀有鉤爲識以是多得盜或僞賣漿於盜窟中偵其路徑虛實而性剛直不能唯阿從上官意視士卒如子弟凡傷亡除例卹必再以金贍其家而自服食麤糲如窶人

結謹嚴
有法謝

將軍得此傳
千載如生

其誓師也都司姚藹雲獨抗慷慨願戰藹雲
陝人寶勝死爲民軍所殺

志銳字伯愚號迂安姓他塔拉氏滿洲鑲紅旗人祖裕
泰太子太傅湖廣總督諡莊毅父長敬四川綏定知府
志銳幼穎異與弟志鈞並有文譽父卒孤貧依從父廣
州將軍長善從父絕愛之令讀書壺園中一時名士如
梁鼎芬于式枚文廷式張鼎華咸樂與之遊光緒二年
成進士改庶吉士散館授編修會志鈞亦成進士同官
翰林名聲蹕起已而兩女弟入宮爲貴妃門第益隆與
通政使黃體芳祭酒盛昱交尤善以風節相淬礪志銳

以家世貴顯宜究心經世學建白朝廷數上書言事忤
朝旨浮沈翰詹十八年德宗親政擢禮部侍郎中日之
戰上疏陳戰守累萬言德宗動容召見便殿命赴熱河
練兵未踰月女弟珍妃失歡太后復命爲烏里雅蘇臺
參贊大臣將軍長庚奏令赴孜牙子清釐中俄積案六
閱月結案千餘起外人折服志銳居臺久究知邊事五
上疏籌西北邊防發強鄰狡謀復忤朝旨兩忤朝旨皆不言其所以
然中間以女弟失歡事令人意會得之此所謂微而顯左遷爲索倫領隊大臣領
隊例不得專奏端居簡嘿爲詩歌自遣淹滯數年遷甯
夏副都統請發帑二十萬開城外故渠得沃壤數千頃

俾駐防旗丁屯墾時朝野競言新政以化除滿漢釐定
官制爲立憲根基而中外益猜疑志銳憂之因疏言比
年詔旨數以化除滿漢之見昭示天下然往者六部漢
尙書猶有六人今新政行增部爲十一而滿尙書居其
九且有以懿親筦部務者總督七而滿人居其五漢人
占滿缺者不過一二副都統散秩大臣而已若僅曰冠
姓氏通婚姻而一切取功名沐恩澤之路不得從同恐
積忿難平爭端愈熾非朝廷之福亦非滿人之幸

語語爲漢

人說話實語語爲滿人計謀滿臣有如此眼光如此
胸抱竟抑而不用然則孝欽亂國之罪尙可逭哉

語

絕沈痛言人所不敢言宣統二年擢杭州將軍未幾復

調充伊犁將軍。三年春入覲，疏言新疆邊遠，新政多敷，
衍糜費，請一切罷去，專意練兵，以救危局。卽請練兵費
一百萬，事下度支部，僅許二十萬，且靳不卽予。志銳不
能待，遂行。中途聞武昌變起，幕友勸少留，不可兼程，進
卒於九月二十日到官。已而蘭州兵譁變，甯夏繼之。十
一月十九日，伊兵亦變，夜猝據南北兩庫，進圍軍署。教
練官春勳、武巡捕劉從德迎門格鬪死，欲擁爲都督，不
從。遂遇害。事詳新疆篇中。事聞，贈太子少保，予諡文貞。
志銳少負奇氣，好飲酒，賦詩文彩爛然，而幼嫻武事，善
騎射，能馳馬發槍，命中後，出入邊陲，垂二十年，備知關

山。阨。塞。強。鄰。狡。計。習。苦。耐。勞。晚。近。滿。臣。中。最。爲。傑。出。其
息。爭。一。疏。天。下。傳。誦。到。今。

結處簡練雄駿最近班史此
與前趙爾豐謝寶勝諸篇爲

傳中最精

警文字

周玉魁號藍田安徽人幼從金順平陝甘回寇從定新
疆積功至提督爲伊犁鎮總兵王玉魁爲人樸誠忠實爲
歷任將軍所倚重辛亥十月革命軍起鎮標兵窺情不
能戰玉魁貲產爲革命軍掠奪殆盡志銳之來以新疆
萬里無黨人可避世傾家私數十萬挈赴伊犁亦盡爲
革命軍掠奪合玉魁貲百餘萬事定革命黨渠復日榜
掠軍士索羌帖金銀玉魁慨然曰是強盜耳胡云舉義

會知府賀家棟招宴楊纘緒馮超李輔黃郝可權及舉

事諸人玉魁偵知即朝服赴府署東火葯庫然之署墻

崩摧屋瓦震動而家棟等不傷玉魁毖骸颺散謀奇而抽筆簡

而勁新疆邊遠荒遐會匪遍地黨人煽之官吏被戕者阿

克蘇道陳正源温宿府知府王乃發喀什喀道袁鴻祐

焉耆知府張銳庫車知州毛英畏疏勒縣知縣張秉鐸

輪臺縣知縣李華嵩巴里坤總兵易盛富喀什參將湯

殿恆較他省獨多然失其事識其名於此

清臣殉難記第四十四 閩 浙 粵 滇

松壽字鶴齡滿州正白旗人以任爲工部筆帖式累遷
郎中光緒十六年簡陝西督糧道擢山東按察使二十
一年超擢江西巡撫二十六年調江蘇巡撫河南巡撫
二十八年入爲工部侍郎正藍旗副都統尋授熱河都
統入爲工部尙書復出爲察哈爾都統三十三年轉閩
浙總督宣統三年九月武昌兵起蘇浙相繼響應閩軍
亦變將軍樸壽督駐防兵與民軍戰兵敗被執松壽憤
恚吞金死語詳福建篇事聞贈太子少保予諡忠節子
光裕郎中光耀候補道

樸壽字仁山。滿洲驤黃旗人。光緒二十年由吏部郎中簡山西歸綏道。擢庫倫辦事大臣。轉綏遠城將軍。正黃旗漢軍都統。三十一年移福州將軍。將軍向督閩海關。歲入羨金數十萬。自關務處歸總督。將軍清苦。樸壽安之日與幕士飲酒賦詩。其感懷詩有云。退一步思皆坦蕩。作千秋想便高歌。爲人所傳誦。樸壽長身巨幹。目光奕奕有神。好賓禮文士。然無敢干以私。在官五年。與總督松壽相得甚歡。知無不言。武昌事起。黨人彭壽松煽陸軍爲變。提督孫道仁兼陸軍統制。屯廈門陰與相結。書法謹嚴。松壽故長厚。聞警招道仁至省。款遇優厚。道

文勢騫舉

松壽故長厚聞警招道仁至省款遇優厚道

仁貌爲恭順且言如有變當以死爲衛松壽倚信之爲
奏保頭品頂帶賞穿黃馬褂樸壽深知道仁不可信密
言松壽設宴召道仁已於坐中手刃之松壽曰吾遇之
厚必不負我公何疑焉繼又請以旗兵一營衛督署松
壽亦不從樸壽有母老在京念世必亂乃遣其妻北歸
侍母親送至南臺與妻女牽衣而泣因日料軍實簡卒
伍旗民能勝兵者皆授以兵佐領定煊諸生有幹略任
爲捷勝營管帶日夕訓練道仁久欲舉事憚樸壽不敢
發道仁所部副將萬國華屯興化游擊徐鏡清屯延平
道仁假總督命召二人告以舉事國華拒不從引去鏡

清以九月壬午至。卽夕爲變。揚言旗營將開礮轟城。以激怒眾。眾憤起。樸壽欲往謁總督。軍士填塞街巷。不得前。四鼓砲聲隆起。分撲軍督兩署。總督逃。至署後畫店。飲鴆死。樸壽親督兵禦之。僵仆相繼。民軍幾不支。民軍大礮皆在于山。樸壽偵知。二十日夕。與定煊短衣草屨。督死士襲山壘。定煊深入中礮死。軍士益憤。悉銳進攻。幾登矣。忽大雨如注。炸彈橫飛。樸壽傷足。乃退。叛軍以大礮擊軍署。屋瓦橫飛。樸壽乃走避。旗卒家。民軍懸賞購之。有旗兵利其訾。告發被執。至司令部。曰。吾身爲大臣死。吾分。然必一見道仁。道仁慚不見。乃大罵曰。道仁

父子受國厚恩。縱不知有國。獨不念其父乎。既又遺書道仁。約二鼓相見於山。至時。亂眾擁至山巔。戕之。翌日。旗營遂納款。樸壽死。無敢收其屍者。獨標營管帶張潤昌持酒酌哭之。越二日。始斂。事聞。贈太子太保。予諡忠肅。子景康。蔭員外郎。

來秀。字樂三。滿洲鑲黃旗人。由刑部郎中充軍機章京。積勞。遷領班。光緒二十三年。授福建汀州府知府。宣統三年九月。福州兵變。將軍樸壽總督松壽既抗節死。來秀在官。多惠政。汀人以其滿人。易爲人。指目相率來謁。許護至汕頭。而要其繳印綬。幕友勸許之。來秀曰。印受

之朝廷不敢私與人十月望日聞省中以兵來汀卽夕
仰菻死來秀之將死以金與幕友錢姓託其孥及來秀
死錢幕挾金逃妻子窮餓轉徙不能歸此等幕友舊友
山陰章子肯見之潛焉出涕卽爲醵資護其妻子北歸
人稱其義俠

劉念慈字普芝湖北鍾祥人由廩貢生保知縣發福建
歷署順昌縣知縣光緒三十三年補延平府永安縣知
縣辛亥九月福州兵變郡縣土寇蠡起假號攻守令攫
財物會念慈因事出城寇劫之入其巢索銀幣三千取
贖署中皇急四出假貸家人典簪珥益之猶不足念慈

自被羈卽絕粒不食。寇百端勸誘不爲動。聞署中方集
貲議贖。間遣人持絕命書戒家人曰。官爲賊劫辱身辱
國。吾誓以身殉。慎勿贖以貽羞。又數日。念慈竟餓死。寇
驚駭。夜以其所乘肩輿昇其尸置城門外。遂散走。此寇頗趨

王榮綬字笛青。湖南善化人。以軍功起家爲知縣。甘肅
光緒二十八年丁憂。改選福建連江縣知縣。爲人明察
捕盜嚴。盜無敢留縣境。以故黨人多恨之。三年九月黨
人彭壽松嗾陸軍爲變。時榮綬已受代居福州。被拘至
軍政府。責以捕治黨人之罪。榮綬抗辯不屈。戮死。

貴林字翰香。滿洲正紅旗人。杭州駐防協領。通敏有材。

略辛亥九月浙既獨立軍政府迫前巡撫增韞遺將軍
德濟書要令毀營壘繳軍械德濟遣貴林出議不協歸
與佐領哈楚顯舉人存炳及子量海力沮款議謂與其
受辱生毋寧一戰死先後殺遺書者二人軍政府乃下
戰令而旗營大炮機捩被匠盜去不能然德濟恇懼不
知所爲遂納款四人泣爭不獲乃相約殉國日以大義
動旗兵皆恢復德濟陰欲之上海欲因事取信民軍告
密軍政府殘同類以自利此等
滿人吾無取乎爾丁亥四人同被捕駢戮
於市又知縣文海漢軍鑲藍旗拔貢生以知縣發浙江
署長興知縣或謂其於駐防納款後痛詈德濟誤國民

軍聞之入其家搜槍械文海遽發槍斃一人被執死。

趙翰階字春亭直隸祁州世族父受璧奉天昌圖府知府翰階爲人慷慨義俠少從父官所習邊地騎射技擊屢從役捕鉅盜盜絕迹昌圖民至今頌之光緒庚子義和拳起北方大亂翰階招練鄉勇爲衛村鎮獲安辛丑春拳寇爲聯軍所逼結隊南竄焚掠村鎮率賄之冀無事翰階獨謂妖民肆亂殺無赦堅拒之拳寇來攻翰階率勇乘垣擊斃其首拳寇詭服投械乞止戰已而來益眾潛從鄰居入縱火焚其第翰階且戰且却寇終不敢逼然寇渠旣死不能成軍旋就撫畿南亂遂熄翰階自

是知名於時而家遂燬當拳匪亂時奉天循吏增韞以故人避亂祁州翰階曲盡維護增韞感其義登堂拜母親若兄弟又數年增韞開藩保定招使襄辦警務勤朴幹練事無不舉已而增韞遷浙撫調赴浙委統撫署衛隊釐剔宿弊士眾親附宣統三年八月湖北民軍起長江上下游皆響應九月浙紳請增韞獨立增韞不從十
五夜杭垣兵變轟擊撫署翰階集衛隊議戰眾環泣曰今日之事極知負公然眾寡懸殊戰亦無濟翰階憤怒欲挺身獨戰眾擁之自署後出閉置室中已而聞巡撫止諮議局乃斥去阻者出遍謁同僚凡所以謀脫巡撫

者計靡不至時家室已相失弗顧也既不得當乃誓與
巡撫同命徑詣諮議局偵其安危不得入固爭弗去民
軍有識之者語侵翰階翰階詞益厲眾執之翰階大呼
曰吾隻身見增公何害乃侮我我北方男子非畏死者
民軍惡之遂被害時十六日下午也後浙人卒以增韞
爲循吏得釋奉母北歸語及翰階至今流涕子梯青今
爲奉天高等檢察廳廳長

黃爲熊字子祥江西德化人父儒荃內閣中書爲熊隨
父官京師中順天舉人大挑用知縣發浙江攝於潛知
縣不畏強禦知府惡其強項譖之院司未滿任去再攝

東陽東陽民健訟積獄累千百日排決數十事懲誣理
冤百姓畏感遭父母喪去官服除攝蘭谿興學重農百
廢具舉巡撫上其治行詔嘉獎宣統三年九月省城兵
變又僞言京師陷爲熊痛哭欲自裁紳耆慰解之爲熊
曰吾決不棄城走惟辦一死耳已而亂民麇集謀奪縣
印爲熊曰印受之朝廷不能私付人卽闔戶自經死無
子妻流寓杭州不能歸

趙國賢字良臣河南項城人咸同間袁甲三督臨淮軍
國賢年少以鄉人給事帳下後入淮軍爲裨將從平捻
寇從定朝鮮積功至總兵記名提督光緒二十二年袁

世凱創練新軍，召國賢參軍事，以宿將甚見尊禮。世凱撫東國賢，領武衛右軍，後編爲第六鎮。國賢爲統制，旋入都宿衛宮禁。宣統二年，授潮州鎮總兵。國賢性篤實，每遷官必詣世凱謝當之。潮過彰德，謁世凱，問居官法。世凱曰：爲官盡忠報國而已。國賢服膺惟謹。三年九月，惠州革命軍起，至汕頭窺潮州。國賢所統巡防軍五營，聞警日夕修戰具，運大礮於金山。二十一日，集官紳詢防略。巡道吳煦走，士紳懼開戰禍，及居民泣請國賢毋下戰令。國賢憤甚，走語知府陳兆棠，謂眾情如此，事無可爲。惟一死以報國，遂與兆棠約爲昆弟，而以總兵印。

付之。至夜，獨身至堂皇，北向自經死。當事之急，家人皆逃竄。惟一幼子侍，囑有急往謁知府。至是其子奔告，兆棠具棺斂之。遠近聞者，莫不感傷。國賢在官廉正，恤下愛民。夏日韓江隄決，泛溢城垣。國賢冒險督兵堵禦，水沒膝，不肯退隄。完民尤念其勞，越日民軍至，欽其節，爭醵金畀其子扶櫬歸。事聞，贈太子少保銜，賞雲騎尉世職。子謚忠壯子玉堂，廕主事。國賢既死之次日，鎮標左營游擊白如鏡，聞標兵欲埒民軍，亦不屈死之。如鏡字顯齋，漢軍鑲黃旗人。

何培清，字鏡亭，廣東歸善人。爲惠潮嘉提督標營千總。

光緒三十四年領連和巡防營剿捕積匪里閩宴然提督秦炳直才之調領博羅防軍討羅桂幫匪盡殲之武昌變起粵民軍響應猝集惠州號數萬人九月望日圍攻博羅更以眾扼東江南岸隔絕惠州大營省城援軍障下游不得濟培清兵僅三百人登陴守礮石交下拒戰兩晝夜敵不得逞會奸民通敵開門敵入被執總司令陳炯明聞培清賢囚十日竟釋之出郭遇羅桂軍出不意殺之炯明哭失聲也

陳兆棠字樹甘湖南桂陽人父士杰咸同間平粵寇有功官至山東巡撫兆棠亢朗有才氣以廩貢生入貲爲

知縣四川以廉能著稱。會廣西寇亂，粵督岑春煊調赴廣東，令兆棠募棠字五營從征，以功擢惠州府知府。惠州素多盜，自九龍設租界，盜恃爲逋藪，愈熾。歷數守，莫能制。兆棠至，則令列屬鄉族，各自爲冊，注盜主名區處。兆棠按冊捕誅，積三年至三千餘人，忌者騰毀，謂爲屠伯。總督張人駿新至，輕裝至惠州察訪，輿論翕然。所誅無冤者，調補潮州府知府。檄下潮人，有上書言兆棠好殺者，兆棠旣至數月，不問盜事，盜寢盛。城內白晝行劫，於是羣籲兆棠捕盜。兆棠乃牒屬縣，已獲盜解府覆案。一日報誅三百人，郡中震怖，自是吏民爭爲耳目，盜發。

輒得辛亥九月二十三日民軍至汕頭城中黨人響應聚千百人輒稱司令全起莫能禦民軍入總兵趙國賢抗節死防軍擾亂巡道吳煦及知縣皆逃士民益惶懼堅留兆棠收撫防軍部署未定二十八日民軍以爭博持兵入市被巡兵擊斃二人遂遷怒兆棠糾眾攻府署倉猝召防兵無至者火及宅門左右扶之匿民家民軍懸賞購之遂見執張司令置酒與飲令輸餉十萬貸其死兆棠勃然曰丈夫死即死耳安有十萬金助爾謀反耶語有生氣眾怒縛兆棠柱上舉槍擊之中十三彈乃絕潮商梁子基出重貲募人盜其尸至汕頭斂之送致其家

事聞贈道員

黃新字兆熊湖南湘潭人家貧不能讀書從軍入閩爲福州知府秦炳直所識拔後炳直爲廣東惠潮嘉提督新從往營故多湘人有疾篤者輒托歸骨嘗挾五六樁渡海涉江達湘歸葬人稱其義俠旋爲隊官廣州黨人旣狙殺孚將軍炸擊提督李準炳直頗自危往來廣惠必以新從宣統三年九月惠州防急新守西門廢寢食者三晝夜後標兵通敵開城居民鼎沸有訛傳提督被害者新大慟誓同死然擾攘不得達主帥所乃登北城樓與從兄熙瑞子俊及所部數人死守不去旣而曰與

爲人殺母甯自殺耳。一日下樓久不歸迹之則仰卧雉堞間以足自踢槍機擊死矣。熙瑞與其子潛匿於城下。馮汝禎字萊雲浙桐鄉人以諸生入貲爲知縣發廣東明敏幹練以數決疑獄保直隸州知州加運同銜宣統三年攝西甯縣事廣州變起西甯亂黨糾土寇剽掠汝禎募團練百人出近郊靖土寇境以得安九月丙戌縣紳附亂黨率眾入署脅縣官懸白旗降汝禎持不可眾迫之乃衣朝衣坐堂皇死年四十。

張德潤南雄人千總充香山巡防營管帶辛亥九月民軍入城德潤守南門力戰援絕被執死投尸江中。

張嘉鈺字式平湖南鳳凰廳人以父蔭襲雲騎尉世職入湘軍保至記名總兵借補澧州營叅將以戇樸見稱光緒二十八年巡撫俞廉三遣率防軍二旗援廣西遂留平匪亂事定擢雲南昭通鎮總兵宣統三年調署騰越鎮總兵武昌變作鄉人蔡鏐爲雲南協統自省垣遺嘉鈺書云世局無定君宜達時變友人見其書謂嘉鈺曰公意云何嘉鈺曰我所知者城存與存城亡與亡而已他非所能行亦非所忍聞也騰越屯防軍六營隊官陳雲龍悍摯與其地黨人張文光相結煽標軍內應九月庚午黎明圍鎮署嘉鈺驚起呼開槍語未畢中彈死

鍾麟同字健堂山東濟甯州人威海武備學堂畢業生
鄂督張之洞聞其賢召爲武健營管帶光緒二十九年
岑春煊調至廣西與平匪亂保知府旋遣赴日本攷察
軍制以疾還北洋袁世凱檄統第四鎮礮隊三十四年
保升道員宣統元年加正叅領銜授雲南第十九鎮統
制官麟同性忠實治軍重風紀與兵備處總辦王振畿
總叅議靳雲鵬同心訓練總督李經羲甚倚重之自練
兵處劃一天下軍鎮各省練新軍雲南陸軍要職多北
人滇將士頗缺望及武昌警耗達雲南三十七協協統
蔡鐸及講武堂堂長李根源步隊標統羅佩金管帶李

鴻祥謝汝翼唐繼堯劉存厚等密謀響應

遠溯亂源有黃河水來天

上之勢

麟同數爲經義言蔡鐸黨人附之者眾宜爲備經

義不省及騰越亂風聲愈急乃與麟同議遣李根源討張文光羅佩金赴安南運軍械而裁併李鴻祥謝汝翼各營以分其勢蔡鐸等見事急遂以重九日起事麟同與靳雲鵬扼守五華山與軍械局相犄角戰竟夜民軍幾敗旣而輜重營管帶范鍾岳陣亡軍械局失守民軍合攻五華山戰至日晡彈盡麟同憤恚自戕不殊護弁馮文繡張耀奎昇赴城南醫院途遇亂兵支解之靳雲鵬遇救得免王振畿至次日亦被戕李經義走蔡鐸爲

都督雲南竟獨立事聞贈副都統子諡忠壯子培英廕
主事麟同既被難七十二標標統羅鴻奎守壘不去至
夜爲叛軍所乘被執不屈死七十二標第三營管帶張
恩福憤極立營門厲齒大罵流血破額爲眾格殺死范
鍾岳字靜甫直隸鹽山人羅鴻奎字翊亭直隸天津人
張恩福字子元直隸靜海人凡在滇北人鮮有免者

王振畿字化東山東滕縣人少有俊才應試郡城過僧
王祠誦楹聯大感動遂習武入天津武備學堂畢業充
教練奉天數年李經羲調赴雲南以道員充二十八協
協統第十九鎮成立經羲薦爲統制及命下乃鍾麟同

191
PDF

乃檄充兵備處總辦。謨謀軍政，爲經義所倚重。變起，經義走匿民家。振畿欲赴五華山，甫出門，爲亂軍所遮，擁登城垣。振畿心念墜城死，可不辱，奮身下，僅傷左股。遂昇至皇華館，見蔡鏐。鏐親裹其創，對榻與語。振畿竟夕無一言。旦日具食，振畿南向坐，鏐東向坐。叅謀楊集祥坐其下。蔡鏐以酒屬振畿曰：「督帥遁矣，滇無主，爲生民計，請公爲帥。」鏐副焉。一方不足平也。振畿默然，目爛爛視鏐。忽抽鞞中槍擊鏐，不中。中楊集祥，腦立碎。再發，鏐再跳免。李根源以兵入殺之，鏐哭而斂焉。

此與雲南篇所記不同兩

存之以
期一信

張之泮字藻華直隸河間增生與馮國璋爲戚屬國璋
充小站武備學堂提調之泮棄文習武入武備學堂畢
業充第五師教練官未幾充輜重營管帶與鎮統張永
成不協辭職宣統三年赴滇爲副官八月武昌起義滇
協統蔡錕等思響應之泮聞其謀昌言不可眾嫉之置
毒酒中召之泮會飲歸寓暴卒之泮性倜儻捐小節幼
與其兄之浩遊學保定蓮池中後俱學武備之泮既卒
之浩入民國爲防軍統領守禦北邊迭與蒙寇戰著邊
功並有名於世

孔繁琴字韻笙安徽合肥人開平武備學堂畢業生始

從岑春煊治軍陝西。後入川。春煊督兩粵。從至桂林。平寇亂。屢著戰績。常夜追賊。遇虎。從者皆駭走。繁琴獨身擊殺之。由此顯名。積勞保至知府。賞花翎。廣西巡撫李經羲器重之。旋督雲南。奏調繁琴統滇南右翼防軍。駐臨安。宣統三年九月。省城亂。土寇蠡起。稱民軍。煽誘防軍數營與合。勢張甚。繁琴率未叛各軍禦之。轉戰至蒙自。鷄街。既而中彈傷股。僵卧破屋中。敵謂其已死。舍去。繁琴忽蘇。大呼以死報國。眾聞聲復返。繁琴奮起。擊槍擊斃數人。力盡乃見。執支解之。是日二營管帶張榮魁亦戰死。榮魁亦皖人。與繁琴同學。

世增字益三漢軍正白旗人祖伊綿阿大名鎮總兵父長起隴州知州世增幼肄業同文館嫻法文從薛福成使英法充繙譯官還充總理衙門繙譯官充使法大臣慶常使俄大臣楊儒參贊官譯西藏全圖西伯利亞鐵路全圖進呈御覽溫詔嘉許丁父憂歸國浙撫張曾敭調充洋務局總辦疏薦簡甯紹台道請終制開缺三十三年簡山東兗沂曹道擢雲南按察使明年調雲南交涉使宣統二年擢雲南布政使三年七月移甘肅布政使未行而武昌變起新簡滇藩以道梗不至而省城新軍携貳總督李經羲倚信二三少年不設備世增屢諫

不聽幕客請卸事可脫險不從事亟商民涵懼法領事
韋禮敦謁請避入領事館復謝之家人有懟者世增曰
焉有一省大吏不能自保而求庇外人者乎余得死命
也卽揮眷屬出避幕友家已抱印獨處署中旣亂軍入
擁至講武堂索金助餉世增曰庫款有檔案在吾無私
至夜眾復入竟殺之方事之急僕從紛散獨僕紀祥不
肯去及世增被彈仆紀祥伏尸哭曰主人爲王事死吾
當殉主人若其速擊我有識之者曰此方伯義僕也免
之世增遇外交特正不阿必使外人折服而後己性儉
約輿馬衣服樸質如寒素官滇三年法領事慕悅其爲

人聞其被拘也。卽赴革軍代任軍餉二萬元求貸其死。其見重外人如此。

石家銘字訂西湘潭人。石氏爲縣舊族。世著忠孝。家銘端謹勤學。不苟言笑。年旣冠。隨本生父世纓游雲南。世纓精習刑名家。銘遂傳其業。館大理者十年。旣而游廣西四川。旋復返雲南。佐督幕。雲南界連英法。領土交涉尤繁。家銘通敏博涉。凡邊防阨塞。各國通商條約。靡不諳究。文書往來。惟家銘隨方應付。動中竅要。他人或爲之。莫能及也。總督丁振鐸錫良李經羲莫不推重之。積勞由縣丞累遷至知府。宣統元年爲昭通府知府。李經

義以家銘更事久留不遣之任二年臨安開廣道龔心
湛言開化積獄多堅請以家銘暫攝府事三年春至開
化視事數月理滯獄數百起多平反一郡大歡九月己
卯初省城事急調總兵夏文炳率防軍赴援家銘與文
炳議遣城守兵兩營往而別募團兵守城巡道委金殿
舉余樹松爲管帶樹松開化人前吞沒郡公財甚鉅家
銘至責償而巡道弗之知未幾龔心湛亦告急夏文炳
率四十人馳蒙自規防守金殿舉亦請餉詣蒙當是時
城守獨倚余樹松樹松陰賊欲乘機爲變夜半家銘與
城紳萬里恩巡城樹松猝至曰兵變矣吾將出隊語畢

遽反走。俄槍聲起，圍府署。家銘與哨弁李世清督衛隊二十人死守，翌晨彈盡。家銘遽吞阿芙蓉膏走安平舊署。就余樹松語有告者，曰：爲叛者樹松也。胡語爲會毒發昏瞽，家人負歸署，久之不死，乃令世清燃火油，以身投入。世清哭隨之，遂共焚死。世清雲南人，後都督蔡鏗得情，誅樹松。

毛汝霖，字澤卿，四川成都人。以知州候補雲南，權永昌稅局。辛亥八月，知州宋聯奎擢迤西道，保山知縣陳文燦護知府。旣文燦以事赴騰越，汝霖兼攝知府事。九月庚午，騰越兵變，永昌大恐。汝霖集民團守禦，旣聞省城

亦亂駐永新軍管帶羅長庚與教練官郭齡昌夙不睦至是長庚殺齡昌大亂汝霖遂仰藥死

琦璘滿洲鑲紅旗人貢生累官至雲南順甯府知府辛亥九月省城獨立琦璘集紳耆籌議保民并出俸銀五百兩備公用紳耆親愛之初知縣蕭洪斌防軍哨弁滕久名不法褫職恨琦璘及聞省城亂乘機與土寇譚洪鑫相結爲亂琦璘逃至城北古廟中辛巳爲賊所得擁至城內剖其腹殺之後甯紳求救永昌誅洪鑫

胡國瑞字瓊笙湖南攸人舉人大挑知縣發雲南權知霑益州一月中理積獄踰百大吏以爲才攷績爲曲靖

八縣最移知彌勒二十八寨劇盜三年易八令莫能治
國瑞至與營將謀曰請兵勦捕彼得爲備出不意襲之
可立禽也遂戎服佩刀先行兵繼進乘夜破賊巢禽其
渠況國玉雷珍張朝安誅之盜藪遂空戊申大水蠲振
並舉全活甚眾大吏舉循績擢大關廳同知初國瑞以
疾乞休三請弗許後以修墓告許之旣受代矣會省城
亂藩司被戕乃與其子書曰余雖無守土責然君臣之
義萬古爲昭當俟北信以明吾志幸勿來後旬日訛傳
京師陷皇帝死戒從者趣治裝翌晨汲者見井上有雙
履俯視則國瑞峙立井中死矣遺書案上曰自縊不死

復投井中。京師淪陷，身殉萬里。雖達人所不取，愚者終不失爲愚。彌勒民思國瑞遺德，封識其井，題曰胡公井云。

張舜琴，字竹泉，雲南臨安府石屏人。光緒丙子舉人，官昆明縣訓導。弟舜笙、舜鏞皆舉人。兄弟相爲師友，并有聲譽。舜琴性嚴正，究心宋儒之學，人士相從講授，尤負重望。擢順甯府學教授，當事重其學行，留不遣。在昆明凡十八年，事繼母孝，迎養至學舍，朝夕瞻省。顏其堂曰不冷，厯主經正育才兩書院，師範學校。舜琴素講道學，人疑於新學說，不相容。及觀其學規，新舊並重，而生徒

進退起居壹準禮法。乃皆翕服。外國教授尤重之。每稱曰。張先生正人。宣統三年九月。陸軍構變。城內相激戰。舜琴講誦如平時。已而總督李經羲去位。協統蔡鍔爲都督。訛言京師破。清帝死。門人說舜琴引歸。舜琴愀然曰。去將安之。會奉嚴令剪髮。舜琴卽夕闔戶仰藥死。遺自輓聯云。慘對君親師。留此白髮數根。爲廣文先生寫照。傷心今昔後。誰禁我青山一卧。任造化小兒安排。亂定士人立石學宮紀其事。

清臣殉難記第四十四

清臣殉難記第四十五 湘 贛 皖 蘇 京師

黃忠浩字澤生湖南黔陽人光緒十四年優貢生好讀
儒先性理書慕其鄉羅澤南曾國藩之爲人而專意兵
學赴日本參觀大操歸益研討戰術用知兵名於時二
十一年鄂撫譚繼洵聞忠浩知兵命以內閣中書募湘
人五百入鄂守田家鎮礮臺張之洞一見重之檄領武
靖營移武昌陳寶箴撫湘召忠浩還治軍湘中乃別募
三千人躬教練之二十六年拳匪起之洞檄忠浩勤王
時唐才常自立軍謀起漢上事敗有李生隨忠浩軍來
鄂鄂撫疑忠浩窮治李生無所得之洞遽散其募兵五

千人配各軍與忠浩二營屯岳州已而爲損道員遣觀
操日本趙爾巽撫湘復召忠浩還總全省軍務忠浩旣
重領湘軍益精練稱勁旅會廣西賊陸亞發陷柳州黔
湘皆戒嚴時忠浩方丁母憂特詔起率湘軍赴援忠浩
策賊必竄黔滇圖擾蜀乃取道綏甯入粵賊果飽掠出
懷遠正與忠浩遇忠浩督孤軍奮擊自辰至未斃千餘
人追至梅寨復大敗之擒亞發賊遂破散捷聞超授狼
山鎮總兵忠浩陳情辭不就詔改爲署理廣西寇亂蔓
延垂十年莫能定陸亞發尤驍悍忠浩以湘軍一戰破
之威聲大震岑春煊極重之及議勦餘寇春煊主燬邨

鎮忠浩謂餘寇雖匿邨中若燬邨則玉石俱焚先隳軍紀與春煊意不合三十二年除右江鎮總兵未幾引疾去宣統二年從蜀督趙爾巽入川五月署四川提督三年復引疾歸湘忠浩晚年頗厭倦兵事欲顛意開鑛大濬洞庭湖爲桑梓謀樂利乃事未施行而長沙變起初湘省練新軍未成鎮以故巡防營有數十營分中西南三路湘撫余誠格初至以忠浩宿將命統中路巡防十營受事甫三日武昌軍亂湘新軍聞風携貳已而巡防營爲黨人所煽亦貳將與新軍合巡撫偵知之收其機關礮新軍急九月朔平明突入小吳門劫軍裝局圍撫

署時忠浩方與巡撫計事聞變偕出堂皇慰諭之變兵要巡撫爲都督巡撫佯諾從間道走忠浩出至又一村爲亂兵所執擁至小吳門殺之忠浩忼慨任氣剛直不撓在湘軍界資望最崇事起之先黨人穩健者本欲推爲軍統以鎮糾焚倉卒隕身士論惜之

王毓江字襟山安徽宿州人父心忠以行伍起家討捻匪有功累官江南總兵毓江少有材略軀幹修偉以知縣官江蘇尋以道員發陝西毓江故將家子習兵事充兵備處總辦布政使余誠格擢湘撫檄調湖南筦兵事視事方九日兵變被執爲亂兵所戕

沈瀛字士登江蘇吳縣人生有至性常刲臂療母疾從
母舅謝植至湘以漕運保知縣湘撫吳大澂督師出關
瀛從道員薛鴻年司轉運事涉勞苦則奮起請行其可
因以爲利者則退讓不與鴻年益重之踰年還湘厯知
武陵長沙諸縣事所至有聲擢古丈坪同知未之官留
筦官錢局草定規章條理縝密後至者不得因緣爲奸
再知長沙筦官錢局如故移攝衡山宣統二年長沙亂
民以米貴闕於市焚撫署市廛輟業長沙善化二縣令
皆罷斥大吏以瀛才檄還再知長沙市民聞瀛至則大
悅平糶施賑省城復安巡撫楊文鼎奏聞優詔褒獎三

年八月巡撫余誠格檄充營務處提調武昌亂湘軍隨
貳九月朔新軍突變巡撫逃統領黃忠浩被戕瀛方出
巡市民軍遽遮之擁入諮議局請爲長沙知府不可請
仍知長沙縣不可黨人語侵瀛瀛亦怒曰若撫軍聽吾
言何至有今日今已矣吾力不能殺若若速殺吾民軍
怒閉之空室中與湘鄉縣知縣申錫綬忍饑相對民軍
知不可屈乃并殺之

申錫綬字印堂陝西城固縣人以監生入貲爲知縣發
湖南精聽斷凡督審發審兩局有巨獄多屬錫綬一讞
而定歷知巴陵新化茶陵諸縣事皆有能聲歸長沙充

保甲總巡按察使陸鍾琦聞其才清理積獄數千起一倚辦錫綬宣統二年知湘鄉時巡撫楊文鼎銳意清鄉以道員吳躍金與邑蔣紳總其事蔣紳驕恣動與縣官咀晤因謝病歸三年夏充職兵備處九月亂作民軍擁錫綬至諮議局與沈瀛閉置室中竟日不得食日暮家人乘間具餽餽屏弗食瀛曰吾輩久羈此將何以爲計錫綬曰丈夫死則死耳奚暇他謀瀛曰死則有名名固重於生乎錫受曰然己而軍隊入趣二人出遂與瀛同就死臨刑問其名聽者誤爲王錫綬曰汝勸業道耶錫綬掉頭不辨死尤慘云

鍾麟字書春蒙古正白旗人世居奉天光緒癸卯進士
湖南卽用知縣除瀏陽瀏醴亂初定大吏以其樸訥不
任繁劇移永順宣統二年移嘉禾嘉禾地褊小而士紳
騫時習多囂競三年九月長沙軍亂風聲險惡丙午衡
永彬桂道通令輸款典史何永清投繯死麟書大慟初
大姓李黻廉恣爲奸惡大府名捕不能得麟書至獲之
後爲其黨篡去至是寅夜聚眾稱民軍圍縣署麟書縛
其妻於牀縱火自焚諭二子出避卽槍殺其子婦自咽
金屑懷印出堂皇叱亂民不止俄而火及出佩刀自剄
死方擾攘間鍾麟二子懼父受辱出乞於眾以首觸階

石破腦死。餘俱自焚。惟三幼孫尙卧。爲僕掖出。得免。
何永清。四川新津人。家貧。爲人司會記。爲候補道。慶善
所器重。慶善爲駐藏大臣。永清從爲隨員。慶善死。改捐
典史。歷署沅陵縣典史。辰州府經歷。光緒三十四年。補
嘉禾縣典史。州牧留權。桂陽州同兼吏目。屏絕規費。胥
役嚴畏。除夕。有富商以金爲壽。請繫一負債人。永清曰。
除夕。人皆歡聚。我受金而使一家人離散。非人情。峻拒
之。其廉介類如此。期滿歸嘉禾。辛亥九月。省城亂。耗聞。
永清與知縣鍾麟。誓同死守。自是日。減食飲。士民間之。
有來言曰。邑候旗籍。恐民軍不容。公幸自愛。有變當奉

公理縣事。永清曰：公意良厚，然吾志決矣。因出刀繩示之。言者媿歎。及壬午，衡永彬桂道受款，傳檄至嘉禾。永清痛哭，繫印肘後，自經死。初，長沙警耗至，鍾麟集教諭林元仕及永清集議。元仕忼慨言：吾輩甯死不可取辱。泰山鴻毛之辨，正在此時。及永清死，又三日，鍾麟亦全家殉難。元仕載妻子倉皇出走歸里。

楊讓梨，字劭欽，湖南湘鄉人。父碧峰，咸豐初戰沒桂陽。卹雲騎尉。世職。讓梨幼貧，劭學。慕鄉先達羅澤南之爲人。澤南弟子王鑫有子曰詩正，與讓梨善。詩正從左宗棠援臺灣，讓梨從治軍書。詩正戰失利，讓梨嘗負之以

免軍中咸壯之。尋以守備用。從劉錦堂戰新疆。從董福祥征河州西甯。積功擢參將。加副將銜。賞帶花翎。錫鏗色。巴圖魯勇號。讓梨。本書生。好爲詩歌。至是乃以武勇顯。後還長沙。隸黃忠浩部下。駐金盤嶺。移江灣。江灣當醴陵萍鄉孔道。輯和軍民。保衛行旅。商民頌之。丁母憂。巡撫陸元鼎命留營。讓梨再三請卒。終制服。除補永州左營游擊。移綏靖中營。宣統二年。移鎮箬中營游擊。三年九月。長沙兵變。初長沙急。鎮箬總兵周瑞龍奉巡撫檄。籍鎮兵千人赴援。命讓梨率以往。道聞長沙常德亂。卽回軍扼辰龍關。當是時辰沅永靖道朱益濬辰州府

知府景方昶方保境固守及讓梨至辰方昶大喜厚餽犒軍誓與讓梨死守鎮兵故悍銳民軍不敢偪周瓚者瑞龍子官武昌民軍委令說降鎮軍兵瓚因以書說瑞龍瑞龍由是持兩端瓚復乘舟齎重金來辰欲以加餉餌鎮兵哨弁李鳳鳴密白讓梨讓梨得爲備會周瑞龍稱疾檄讓梨還代以他將讓梨卽上書瑞龍責以大義滅親且代瑞龍傳檄名捕瓚瓚乘舟遁而心恨讓梨己而瑞龍降道府委印綬去讓梨痛哭犒軍遣還獨權小舟行至清浪灘躍入水中舟子泅之出讓梨恚曰若奚活我讓梨之去辰周瓚卽入代其軍遣卒追讓梨及其

子傳孔繫送長沙道常德會巡按使龍璋至盛陳兵衛
溫語說之降讓梨戟指詈之璋曰汝尙欲何爲讓梨曰
欲明白死白刃下豈向汝叛黨求活耶璋叱令縛出讓
梨曰殺烈士安用縛因趨出北向叩首南向拜從容引
頸受刃讓梨工書首逸森秀詩文亦激越讀之感人其
守辰族子門人多移書說之讓梨曰人誰無死吾若戰
死埋骨界亭馬底驛間最樂魂也吾上總兵書卽以表
吾墓傳孔械至省得釋讓梨被縛時其從子婿陳箕奮
拳毆縛者亦被殺

馮汝騏字星巖河南祥符人光緒八年舉人九年成進

士改翰林院庶吉士散館用主事分戶部充軍機章京
遷員外郎中二十四年京察一等授四川順慶府知府
丁母憂服除授山東青州府知府二十八年移直隸大
名三十一年遷湖北鹽法道明年移安徽甯池太道
尋擢甘肅按察使遷陝西布政使擢浙江巡撫三十四
年改撫江西汝駿性明敏表裏洞達所至察民情量財
力從容設施不競不絀士民安之宣統三年八月武昌
變起沿江大震九月九江軍亂擁馬毓寶爲都督湖口
礮臺皆失未幾南昌兵亦變黨人脅汝駿爲都督峻拒
不從然贛人故感汝駿爲具舟送之行至九江黨人遮

留之汝駭遂仰藥死事聞予謚忠愍

吉陞字允中滿洲鑲黃旗人海軍學生積資充海籌兵艦幫帶官湖北兵起海軍赴援者十五艘陽爲助勢而礮發多不命中未幾託言購煤米相率下駛九月丁亥海籌海容海琛三艦至九江時九江已獨立海容海琛相約懸白旗停汨江岸海籌管帶喜昌不欲說吉陞與同遁吉陞泫然泣旣而九江歡迎降艦爆竹喧騰儀禮優沃吉陞發憤投江死

高謙字敬亭湖南沅江人從左宗棠度隴司書記積勞

保縣丞光緒八年宗棠督兩江敕謙司淮北督銷分局

寬平不苛擾輿論翕然凡十有七年受代典衣裘以行
鹽商餽遺皆不受三十三年補安徽阜陽縣丞清嚴不
妄入民一錢知縣有過舉謙輒陰達民隱民賴以安辛
亥九月省城兵變巡撫朱家寶走亂軍入阜陽左右勸
謙引避謙厲聲曰名位雖卑大節不易吾豈苟活者卽
夕飲鴆自盡凌晨家人入視謙衣冠端坐榻前氣絕面
如生年七十有四縣民聞之奔走赴哭議爲立祠以鼎
革不果皖省官吏因亂殉難者祇得謙一人餘不見載
籍也

載穆字愛棠號敬修爲多羅恂勤郡王允禔五世孫曾

祖永碩封固山貝子。祖綿翔鎮國將軍。父奔雲。記名副都統。載穆年二十補侍衛。長官文瑞蝕同官廩。給眾莫敢發。載穆將揭其狀。文瑞聞。屬所親解說。出資分給於眾。坐是官不得進者累年。庚子拳寇亂。兩宮西狩。載穆痛哭自盡者再。遇救不得死。三十二年擢太原城守尉。明年詔裁駐防軍。分遣歸農。載穆倡農業。勸女工。興學校。比去。晉旗民男婦務耕作。嫻織紵者二百餘人。宣統三年四月。簡京口副都統。八月。武昌變起。駐鎮新軍兩標。思變。載穆告急。江甯將軍不應。未幾。巡撫程德全。獨立。傳檄鎮江。鎮新軍及巡防營皆貳城內。鼎沸。九月望。

日官紳集議萬壽宮約滿漢聯合毋戰且要旗營繳軍械載穆知事不可爲罷會大慟曰吾無以對朝廷惟死耳翌日鎮紳楊邦彥趣繳械載穆不許會革軍入據漢城旗營大譁載穆集八旗紳民語之曰吾身爲大臣且天潢親義不可不死若戰而死尤甘如飴但旗營兵單餉竭徒糜肝腦殊無益也爾曹其勉徇眾議以紓急禍卽草遺疏手自緘印遣官賫赴都至夜自經死疏聞詔鐵良查明死事情形後江甯失鐵良訖未奏覆也

王有宏字景伯直隸天津人少無賴負氣自喜數犯法亡命入銘軍立戰功中日之役從征出關和議成入江

南防營緝梟寇有功累擢總兵鹿傳霖撫蘇器異之從入秦辛丑扈從回鑾尋留豫豫撫張人駿倚以練軍從人駿入粵復從至江南統江南緝捕營及總督衛隊宣統三年八月湖北兵起人駿命統選鋒十營與提督張勳城守九月金陵新軍變城中黨人別出百餘人起應叛軍放警署囚徒授兵攻督署有宏偵知預設機關槍擊卻之九月壬午民軍薄雨花臺張勳督防軍出戰民軍大敗退曹家橋後隊繼至有宏率馬隊出朝陽門繞道要擊復大破之自是叛軍不能成隊潰走鎮江二十六日出攻鎮江戰於龍潭復敗其先鋒十月各省民軍

薄金陵有宏以三百騎敗民軍千人於通濟門外遂單
騎踞山巔持遠鏡覘敵忽飛彈中左腹軍士昇至醫院
乃絕事聞贈太子少保銜卹銀千兩初蘇滬事未起有
宏請率三千人赴滬守製造局斷蘇杭鐵路其計甚偉
而總督不能用論者惜之

何師程字雪門漢軍鑲紅旗人父某從僧格林沁討捻
匪有功戰沒連鎮卹騎都尉兼雲騎尉世職師程襲騎
都尉洵擢總兵補江南督標中軍宣統三年十月江甯
陷自戕死師程雖右職恂恂儒雅工畫山水人比之湯
貽汾云

黃凱臣本名彩以字行江蘇江都人始入徐寶山新勝
虎字營爲哨官以捕賊勇悍充營官擢至游擊後被讒
去職家赤貧於城北辟小園植花果賣茶自給武昌變
起江甯將軍鐵良添募十營助城守凱臣以薦領一營
十月乙巳天保城破將軍總督皆走各營相約懸白旗
凱臣曰城不守而相率束手降吾實恥之俄而聯軍入
凱臣橫刀大呼殺賊馳入敵陣死子祥龍渡江逃張勛
收卹焉

盛成字挹軒江甯駐防佐領先荆州駐防旗人同治初
金陵克移江甯中江南武鄉試舉人由驍騎校累擢鑲

黃旗佐領民軍之攻江甯盛成逆知城必破與知交數人約城破各擊妻孥就火葯庫謀同死眾諾之十月乙巳天保城破翌日有言繳械免死者眾要盛成往不應日午率子婦趙氏孫國瑞女三赴庫痛飲而炷香於庫中香盡庫焚死盛成之携酒赴庫前約者聞皆至及庫將焚友人稍稍引去獨防禦哈郎阿飲自如哈郎阿字叔芬夙善盛成聞盛成就火葯庫飲亦率妻女及子成仁成義往火發城垣崩摧骸骹颺散後郡人拾遺骨築大冢書碣識之又防禦南山自戕死松柏闔室自焚死驍騎校培秀自焚死前鋒興發小學校長富勒渾布皆

投水死共數百人

王文械字伯若四川人山東樂安知縣辛亥冬兵變被

戕

良弼字賚臣滿洲鑲白旗人先世荊州駐防良弼工書

好吟詠資抱開朗游日本學陸軍歸隸練兵處旋充陸

軍部軍學司監督軍學司副使軍學司司長

良弼憤親貴誤國常

言曰良賚臣惜乎滿人假令漢人非滿當較會編練禁

衛軍充第一協統領擢鑲白旗副都統良弼名知兵爲

親貴所倚重及宣統末年親貴爭攬兵權各省陸軍將

弁多以賄進朝士無敢言者良弼憂憤感傷語則流涕

三年八月武昌難作慶王欲起用袁世凱督師良弼遍
謁親貴謂爲不可不聽十月袁內閣來都奪其兵柄遷
軍諮府軍諮使時民軍建政府南京要清室遜位清太
后及宗室王公大臣懼禍欲從之獨良弼持不可謂粵
寇擾亂至十三省用兵十餘年卒以平定今雖時勢稍
異焉有虛聲吶喝遽震懾不自持以天下拱手授人者
乎且今之言和者以戰難必勝耳然不戰而亡與奮戰
而亡等亡也榮辱異焉親貴聞良弼言感動慙慙遜位
詔因遲不下初黨人仇滿謂良弼仇漢嫉之至是遜位
詔遲不下疑良弼梗阻十二月辛丑黨人彭家珍僞托

奉天軍官崇恭刺良弼於私邸傷右股又三日病卒良弼死數日詔畀袁世凱以全權議優待條件又旬日遂遜位。

清臣殉難記第四十五

清臣殉難記第四十六

孫文楷，字模卿，一字稽庵，山東青州府益都人。父鼎玉，以孝義著聞。文楷自幼博聞彊記，性行和易，無疾言遽色。選同治癸酉拔貢生。其年秋中式舉人，屢試禮部不利，遂絕意進取，究心古文辭，尤嗜金石，所鑒別藏弄甚富。謂圖章之譜，世以秦漢爲宗，不知出土有鈇珍者，實爲三代古印。因出畢生所收古珍，及先秦西漢私印，合二百五十餘紐，詳加攷證，爲稽庵古印箋四卷，以自誇異。他於鼎彝泉鏡，世所稀見者，不惜重貲購取，以是家亦漸乏，遂躬率妻子力耕，以自養，恆屢歲不入城市。所

著適野集一笑集皆其詠田事之詩也光緒季年與膠州法偉堂修益都縣志偉堂後適濟南文楷獨力成之精審遠軼舊書旋與修山東省志纂金石一門搜羅訂正多前賢所未及辛亥湖北兵變文楷日憂之間東撫孫寶琦奏請獨立愈益憤慨迄遜位詔下家人秘不以聞明年青州兵亂經月已定乃告之文楷忽入城訪諸親友留數日別歸次日遂仰藥自盡且死屬其子曰吾之死乃行心之所安慎勿爲外人道以爲若輩累也蓋是時舉國若狂恐人知其爲國死且不欲近名也其子遂諱言之久之友人漸有知之者莫不哀其志焉文楷

死年六十有七。所著又有老學齋文集二卷。今吾吟草四卷。

何承鑫。字性存。湖南長沙府湘潭人。曾祖秀騏。以孝聞。祖中瀚。縣學生。咸豐甲寅。粵寇破湘潭。脅之降。自奮投水。賊怒殺之。贈訓導。承鑫甫冠。補府學生員。敦篤嗜學。不慕榮利。知縣沈錫周。課士賞其文。稱薦之。由此知名。同縣秦炳直。官廣東。延教其子。既擢提督。以承鑫參軍事。革命黨久根據惠州。辛亥武昌變起。其眾猝集數萬人。窺府城。炳直遣兵敗之。巒頭嶺。承鑫欲益師。望省援不至。而寇來益眾。訛言朋興。謂軍官已有通款者。營務

處劉殿元倡言於眾曰。我輩以死報國。誓與河山俱碎。有二心者共棄之。復何所顧。承鑫遽起下拜曰。壯哉吾敬子言矣。一時皆爲感奮。博羅歸善告警。承鑫請分兵往援。咸謂兵分則府城守備益單。承鑫力爭二縣如有失。則府城安有存理。先是承鑫與人言。事急必以身殉。聞者以爲激厲士心。莫之意也。已而歸博相繼失守。府城被圍。承鑫愈益悲憤。晨起與幕中會食。如平時。入夜書絕命月日。置衣帶中。而遺書誡其子曰。勉守世傳忠孝。勿爲邪說所移。我死瞑目。至天明。遂自經以死。時九月十九日也。年五十有六。越日而惠州陷。民軍爲具棺。

歛厝之城外豐湖旁逾二年乃歸葬湘潭承鑫所著有
二山堂文集何氏家傳若干卷藏于家

胡穆林不詳其名湖北荊州府江陵人縣學附生素負
才望武昌變後上書荊州將軍連魁條陳戰守機宜時
宜昌已陷正出兵窺荊州相距於沙市連魁召穆林與
語曰荊州餉匱援絕電已不通將欲北上請援君能往
乎穆林毅然請行將軍繕具文牘授穆林即日隻身北
發至資福寺止逆旅變姓名爲賈人有識之者曰此胡
某也民軍偵探者環集詰問披其身得公文繫送至沙
市民軍將訶之曰汝漢人也乃爲滿人出力得無病狂

耶穆林笑曰吾非病狂爾輩乃真狂耳言已大罵遂殺之

李澤霖字郇雨廣東廣州府香山人縣學附生終其身教授鄉里以小學近思錄爲生徒日課辛亥九月民黨據省城派兵來香山巡防營拒戰兵敗管帶張德潤死之澤霖居縣城南聞變閉戶絕粒五日死臨死自書清處士李郇雨墓七字授二子俾刊墓碣且屬曰毋入學堂毋出仕遂瞑年七十有幾張德潤候補千總廣東南雄州人自有傳

王乘龍字少枚福建漳州府龍溪人居縣之角尾井里

社安貧好學以歲貢生授經鄉里自武昌兵變福建提督孫道仁以新軍響應總督松壽與將軍樸壽皆抗節死乘龍感愴爲彌日不食道仁旣稱都督下令士民剪髮鄉里少年皆承風恐後長至日乘龍謁宗祠宗人相勸剪髮有謂違令且將致罰者乘龍默不一語旣罷歸入夕家人就寢乃設香案向北九叩首自經死案上遺詩曰膚髮千鈞重綱常萬古新毀形圖苟活何以見君親時年六十有一

趙彝鼎字煥文江蘇常州府江陰人少孤力學研求宋儒之書具有心得補縣學生益自斂抑家貧嚴於取與

嘗自稱曰。國家興亡。匹夫有責。武昌之變。官吏奔逃。詭曰。孔子言成仁。孟子言取義。今豈遂無其人耶。蘇常相繼獨立。憂憤不食者累日。十月間。江甯省城垂陷。初九日。獨身入三賢祠。西樓闔戶自經死。明日。家人迹之。至三賢祠。登樓毀門入。則彝鼎赫然。衣冠北面懸樑。間氣絕矣。既歛。檢遺篋。得手札二紙。自敘并處分家事。纒纒千餘言。有曰。我死爲國。故不死于家。而死於此。以講學會文。恆在此。正欲以明人倫也。所親傳其遺札。里中士人多爲詩文哀輓之。哀錄爲趙君殉難記一卷云。

施偉。字卓齋。江蘇江甯府高淳人。縣學埶生。性樸訥。傲

岸嫉俗。聞人談新政。則掩耳而走。江甯陷。憤懣不自勝。及遜位詔下。偉聞而大慟。除夕。檢家中田產簿籍。付兄子濟宏。壬子元日。具衣冠拜謁家祠。從容題自輓詞於壁曰。有志竟成。此去便歸安樂國。他生未卜。再來須待聖明時。出祠門投塘水死。水僅及膝。家人聞知馳救。則已瞑矣。

簡純澤。字廉靜。湖南長沙人。父桂馥。純澤生七歲。出嗣伯父敬臨。敬臨爲左軍名將。官至福建漳州鎮總兵。左軍入關。敬臨棄官從攻金積堡。力戰死。謚勇節。純澤自幼吐棄俗學。致力於天文數學。輿地兵法。醫經佛典。靡

不究覽家世將門志意抗慨既冠入粵從西人習軍械製造之法畢業遵海至天津出山海關尋覽古人用兵遺迹先是桂馥客遊新疆久不歸純澤每欲尋省而莫知所在迄二十餘年無耗度必死乃度隴謁勇節公祠欲遂出嘉峪覓生父遺骸隴督阻其行謂新疆荒遠萬餘里寧有尋覓處乎乃留純澤襄賑務爲牒新疆敕屬官搜訪既不得則大痛誓他日不死鄉井令子孫營葬也隴中購新式軍械至各軍不知所用純澤一一剖析教之爲同列所嫉去之陝爲布政使升允所禮重會拳匪亂升允率師勤王令純澤領一軍從至正定遇德法

聯軍接戰斃敵百餘人。營官歐丙森死之。純澤憤請復戰。會痞作。升允恐其亡失。命移守郡城。知縣戴某欲迎聯軍入。純澤力疾嚴陣以待。奮語知縣曰。爾如迎敵。當先斬汝。知縣懼。詭言城中伏兵多。聯軍遂不敢入。師罷還陝。升允爲陝撫。命純澤提調武備學堂。兼管陸軍礮隊。純澤治軍嚴而有恩。他將請每營裁餉十二名。資軍用。純澤爭不獲。則以己俸分給兵弁。純澤先以父蔭襲騎都尉。兼雲騎尉世職。在陝積勞。至游擊副將銜。已又領陸軍第一營。兼全軍教練官。光緒末。恩壽撫陝。尤貪黷。純澤積二歲不往見。恩壽嫌之。令道員王毓江領督

練所遇事齟齬。純澤乃請病解職。陝人官京師者。合詞奏純澤廉正無匹。學究中西。久爲陝軍矜式。不宜任其去。而劾王罪狀甚具。恩壽不得已。解毓江職。而純澤亦罷歸。國變起。各省靡然從風。獨升允以舊督起撫陝。力戰秦隴間。旋聞其退居蒙古圖恢復。無應者。居恆悒悒。動止失常。時或仰視天文。咄咄自語。四年夏。忽夜潛行至省城。其子追及隨之。已遂游天津。遣其子歸。至五年八月。自津遺友人胡祖蔭書云。將浮海入蓬萊也。書祇數字。自此遂絕。不知所之。又數月。山東威海衛瀕海村民。獲一浮尸。衣冠作道士裝。於腰間得經文三卷。銀餅

十枚絕命詞一首其詞曰道德仁人遇我殘身卽乞掘
穴深埋海濱毋庸棺木藁葬以薪面朝北闕志繼先臣
馬鬣封后樹塊貞珉鐫四大字有清遺民所餘銀餅謝
意聊申方共驚愍忽有士人尹姓至審視泣曰是長沙
簡君純澤也君以八月至煙臺邀予遊煙霞洞至則徒
見亂石縱橫因歎失聲若大失所望者遂來此間投海
死也相與棺斂葬之海濱立片石題曰有清遺民之墓
以不知其里居村人谷銘訓著其事於報紙同時有孫
道人高起以與純澤遊知胡祖蔭所居書來言與報紙
同其家乃發喪行服祖蔭者益陽胡林翼孫也

右八人者皆所謂士也。士人殉國者，宋末明季皆有之。蓋感於外國人爲君主，而恥於戴之也。辛亥變起，國體共和，而非易姓，清室自存也。國土如故也。清以其政權公之天下，凡天下之民皆國主也。凡執政之人，盡公僕也。諸人者無守土之責，無民社之寄，無戴新主之嫌，無食毛踐土之義，潔身遠引，斯可矣。而顧以身殉乎。此在究持新學說者，必不得其解矣。而錢塘吳氏湘潭羅氏所著辛亥殉難記、殉節記，皆一一紀錄之也。何哉。中國之社會風俗，一周孔之社會風俗也。尙廉恥，重節義，篤倫紀，數千年行之而未或變更。中國之所以自尊者在

此外國人之所以重視中國人者亦在此。此國本也。亦國維也。晚近以來異說蓬興。藩籬盡破。如洪水猛獸之不可扞禦。獨有人焉。感愴國變。以死自明。直欲挽叔季澆風。返之中古以上。其持義雖近迂乎。而用以矯世厲俗。則觀感興起。爲益宏矣。彼吳氏羅氏之斷斷焉。敘錄之。豈無故哉。豈無故哉。余旣因而著之。而又恐後之人索解不得也。故備論之。

清臣殉難記第四十六

回人等亦不許其出

清臣殉難記第四十七

各省駐防將士殉難表

湘潭羅正鈞曰。兵制之得失。豈不以其人哉。清起東土。定都燕京。入關以後。分遣八旗勁旅。出征山東陝西江南。其時合京師宿衛之兵。滿蒙漢軍。蓋不下二十萬人。三方底定。而後留十萬人京師爲禁旅。而以十萬人分鎮各省爲駐防。計世祖時所設置者。曰盛京。曰吉林。曰直隸。曰西安。曰德州。曰太原。綏遠。曰江甯。京口。曰杭州。迄於聖祖平三藩所增置者。曰福州。曰廣州。曰荊州。曰成都。曰甯夏。曰黑龍江。曰開封。及其後高宗開拓西域。

復分內地防軍於新疆而益以索倫錫伯及察哈爾額

魯特兵萬五千有奇統於伊犁將軍蓋更雍乾兩朝斟酌

損益

其間省德州防於青州分杭州兵駐乍浦太原開封並改隸巡撫各省兵額亦有所增損而

後各省駐防兵額垂爲定制與綠旗營之分守汎地氣勢整散迥異焉兵皆令攜室家有事則應徵調事解回防更番簡親貴重臣出爲將軍都統領之使人自爲守而杜藩鎮握兵之弊因以鎮撫方內環衛京師二百餘年無叫囂叛變之事近古所未有也然自承平久將軍都統非盡知兵之選不復留意於訓練佐領丁壯日增而餉額不增生計窘兵益以羸弱至咸同間髮回之變

亟旗兵不足恃。始改用募勇。而駐防勢已不振。及晚近。裁併各省綠營。廢召募爲徵兵。駐防遂益孤立矣。辛亥亂作。所在旗營破壞。而西安福州江甯荊州受禍尤烈。當其蹙處一城。餉匱援絕。敦厲節義。不甘屈辱。至於妻子宗族。冒礮彈蹈白刃。相枕藉以死。何慘酷之至此極乎。予表其將士名字。可知者於篇。最後得錢塘吳氏所錄於西安荊州差詳。復掇而益之。後有覽者。其不無興感云。

言不辱者謂之曰士君子也
士君子之於人也
有禮義則見
無禮義則不見
有德則見
無德則不見
有言則信
無言則不信
有財則聚
無財則散
有勢則附
無勢則去
有譽則歸
無譽則棄
有患則恤
無患則忘
有難則助
無難則怨
有德則貴
無德則賤
有言則辱
無言則辱
有財則辱
無財則辱
有勢則辱
無勢則辱
有譽則辱
無譽則辱
有患則辱
無患則辱
有難則辱
無難則辱

西安

江甯

京口

福州

荊州

杭州

廣州

將軍文

佐領盛

副都統

將軍樸

署左翼

協領貴

將軍鳳

瑞有傳

成有傳

宗室載

壽有傳

副都統

林有傳

山九月初四

左翼副

佐領廣

穆有傳

協領定

恆齡有傳

佐領哈

日蒞廣州任入

都統承

照投河死

協領延

煊有傳

協領松

楚顯有傳

城被黨人炸死

燕有傳

防禦哈

浩聞都統殉

防禦長

興為常備軍

舉人存

右翼副

郎阿有傳

節憂憤不食數日死

瑞有傳

統領兵

炳有傳

都統克

防禦松

日死年七十四

驍騎校

武昌不遇害

量海有傳

蒙額有傳

柏城陷家

佐領文

巴揚額

協領志

子有傳

協領斌

自焚死

蔚變起痛哭

有傳

寬陣亡

恆戰北防禦南飲鳩死前鋒森防禦多

巨創人手山城陷欲集佐領春俊陣亡瑞民軍

乃死闖眾死戰死絕食前鋒達仰藥死

門數十無應者死前鋒達仰藥死

自焚日舉槍自擊死佐領余哈使陣亡驍騎校

協領恩防禦果世寬變作前鋒蘇金霖陷城

瑞戰北仁布城憂憤不都里陣發手槍

協領存自盡佐領榮前鋒尙驍騎校

福戰東防禦嚴康被刃傷死阿里陣亡哲森赴

協領培德海破城佐領德領催桂領軍械

基戰北率妻子興中槍斌陣亡引刃自刺其腹

佐領貴防禦長佐領普領催慶

死

陞戰北年自焚

亮夜聞槍聲

銘陣亡

驍騎校

佐領瑞驍騎校

呼殺賊中槍死

哨官鑠炳安

在天

明戰北培秀性

佐領延欽額兵門與知敗縣榮濬

礮死家孝城陷人皆殉之日夫

照絕食自縊於同殉捷勝營

佐領特婦自焚

防禦吉教習麟參謀官

克什肯驍騎校

瑞聞變起嘔德霈聞恆

在北城陣亡愛仁阿

血死極自盡齡殉節與同事

佐領慶全家五人投河

防禦貴筆帖式德沛先後自盡

喜中礮死

慶絕食裕豐聞兵泰甯鎮

佐領圖驍騎校防禦延敗自焚都司榮

們布受傷恩鈞城陷福絕食舉人裕錦乞歸就養

自死夫婦自驍騎校兵敗武昌亂丹闔門作拔劍

佐領巴驍騎校同源議自焚死自裁子朗察姪

克三圖榮生闔後力爭舉人松迎吉并自焚死

中槍死投河死歸不食音陣亡恩騎尉

佐領恆驍騎校驍騎校札勒杭

秀陣亡趙春泉萬選司章阿守東城力

佐領善力戰陣奏議款戰死

印受傷前鋒興絕粒數雲騎尉

佐領額發投塘七十有水死六

榮清武昌

哲本陣亡前鋒錦驍騎校

難兵變被

佐領達秀投塘水死恩厚絕食

舉人迎

朗阿在北副前鋒死

禧武昌陸軍

城陣亡寶林焚死前鋒德

小學教習亂作

佐領興教練官尙投江死

坐講堂罵賊遇

智戰北城死鵬興陣亡前鋒鍾

害子果英吉長

佐領恩教練官祥自經死

全家同日殉

壽陣亡恩錫陸軍前鋒達

舉人根

佐領玉兵變不從被害邦自經死

壽為羊樓峒

清臣殉難

五

祥在北城陣隊官彭前鋒和

興兵變被害庸與弟啟瑞

佐領西隊官魁同日自盡

拉本在穰陵前鋒錦

門陣亡變為同營所害章絕食死

佐領圖隊官汝前鋒炳

切琿自盡廩生炎絕食死

佐領奇入陸軍為隊官前鋒國

撤亨陣兵變持棟槍傷死

佐領恩害領催文

茶葉模範所教

習亂作率妻女

同日自盡

生員定

海充陸軍司

書生不降被殺

生員松

俊留學德國

陸軍畢業充武

昌兵備處提調

撤亨陣亡隊長海光中槍死

防禦多祥中礮死領催延

英亂作率妻礮隊長照中槍死

子投井趙壽昌領催德

防禦存力戰陣亡霈見都統被

陞中礮死騎都尉脅憤極死

防禦存關秀昆領催清

喜巷戰城破投泰投江死

防禦恩千總富領催慶

存陣亡有陣亡耀自經死

兵變在楚望台

戰死家人皆殉

生員重

光陸軍隊官

守藩庫兵變中

槍死妻趙氏子

春年長年寶年

同日殉

生員色

德本陸充

防禦林千總色領催東

軍排長
兵變謀

福在北城陣勒善破城皋絕食死

抵禦被
圍死

亡夫婦投河死領催德

生員榮

防禦色世職鹿慶絕食死

勳陸軍軍需

清額陣亡鳴自經死領催延

官兵變
仰藥死

防禦平世職金昌絕食死

子額勒
登額穆

陞在北城陣鑫陣亡領催松

貞額同
殉

亡世職祥廷絕食死

生員錦

防禦胡泰陣亡領催三

章充陸軍執

圖靈額世職韓元絕食死

事官兵
變被害

力戰陣亡
萬興陣亡
領催錫

防禦惠世職鴻昌
絕食死

文在東城陣亡
錫侯陣亡
領催海

世職恩春
被戕

防禦鶴俊
城破遇害
領催陞

齡在北城陣亡
世職卜奎
自經死

金海城破
領催國

防禦全
被害能死
自經

瑞陣亡
世職永領催殿

防禦奇潮
城破被戕
倫自經死

父榮喜
自盡

生員恩

特亨陸軍

司書兵
變被害

生員楚

俊在武昌
督署殉難

署殉難

生員秋

培城陷
自盡

生員金

巽在北城陣世職韓憲兵司

亡萬福城破令官桂

防禦蘇被戕城株陵

克敦在北城陣生員衣變不屈

城陣亡吉斯渾領催發

防禦訥自焚死昆自經

拉春陣亡生員長馬隊營

防禦惠明在杭武隊長那

源陣亡備學堂肄業同康元授軍

防禦呢學斫之械不服支解死

培在武昌兵變殉難

生員榮

森在武昌兵變殉難

生員占

先在江甯殉

難

生員文

志在江甯殉

克通阿生員富恩騎尉

在北城陣亡勒渾布延章受傷

防禦惠行至中死

祥在北城陣亡恩騎尉民軍憤投水死

防禦那受傷死西登布

斯琿陣亡雲騎尉

防禦哲良弼食絕

爾精額死

在北城陣亡安徽縣

難

生員恩

昌在江甯殉

難

生員榮

有在鎮江殉

難

武生林

福在江甯陣

亡

清臣殉難
第
四
十七

驍騎校

奎亮戰北

城竟日中礮死

驍騎校

林啟戰兩

日東城破隻身

陣死投入敵

驍騎校

都倫太

陣亡

丞壽餘

變起與二子德

祺德祚同日死

五品頂

帶發元

自經死

排長炳

陸守江甯北

城戰死

排長國

司書生

鈺壽在武

昌殉難

司書生

訥爾赫

圖在武

難昌殉

軍需官

寶善守中

和門拒戰陣亡

驍騎校

景文太

在北城陣亡

驍騎校

史昭大戰

萊市城

崩中礮

死闔家

皆殉驍騎校

薩立善陣亡

權甯陸

軍兵變

排長海

靖軍陸

變死難

排長文

馨軍陸

變死難

排長啟

貞軍陸

隊官東

莫兵變

聯長澤

麟兵內

訖麟發

槍弊十

餘人被

圍遇害

排長德

齡武昌

奮拒中

彈死母

關氏妻

傅氏率

記表

驍騎校

伊吉斯

輝在北城陣

亡

驍騎校

智厚陣亡

驍騎校

惠慶在北城陣

亡

驍騎校

變死難

舉人恩

沛吞食玻璃

自盡

武舉人

炳南受刃

傷死

生員善

德受傷

生員崇

子女皆自經死

排長倉

生光武昌

兵變被

拘罵敵

死妻子

同殉

排長德

培城陷自盡

排長額

哲蘇陣亡

排長王

惠啟
北在
城陣亡

騎都尉

易廣
東在

城陣亡

騎都尉

益光
陣亡

雲騎尉

俊亮
陣亡

子文鋒

清臣
殉難

椿
絕食
死

生員穆

都哩
自經

死

師範校

長崇樸

絕食死

師範生

錫藩
受傷

死

榮耀
陣亡

排長依

成額
陣亡

排長關

斌魁
陣亡

錫純錫
振從孫

錫麟同

雲騎尉

和瑞在東

城陣亡

雲騎尉

杜善在北

城陣亡

雲騎尉

特伸布

軍諮府

軍諮使

良弼二十

月在北
京被炸
死有傳

副將赫

成額隨

方在資
州兵變

陣亡

雲騎尉

惠撤亨

在北城

陣亡

雲騎尉

富海

在南

城陣亡

雲騎尉

勝春

在北戰

城中

礮

死

遇害

天門知

縣榮濬

八月二

十七日

京山匪

竄天門

濬出城

追及被

害自有

傳

湖北候

補知縣

聯森

漢過

雲騎尉

忠雲

在北

城陣亡

雲騎尉

玉恆

在北

城陣亡

雲騎尉

培文

在北

城陣亡

雲騎尉

鳳山陣亡

恩騎尉

恩瑞陣亡

恩騎尉

奎德在北

城陣亡

恩騎尉

貴成在北

城陣亡

恩騎尉

錫齡
在東城陣亡

恩騎尉

崇喜
陣亡

恩騎尉

倭仁額

在東城陣亡

領催林

璋官前鋒戰

東城死

領催額

哲亨城

率家屬

投井死

候補直

隸州知

州寶坪

亂作闖
門殉難

候補州

同俊興

害城陷遇

青臣詢維

直隸州

州判阿

爾精阿

遇咸陽

自亂軍

妻張氏

同殉

陝西候

補知縣

德銳西

刺死妻

兵變自

子同殉

候補府

經歷惠

祥守營

井死從

子廣興

同殉

候補鹽

大使文

煥陣亡

馬隊副

官惠璋

陣亡

舉人喜

明戰不利

率二子

投井三

女先避

入室明

之然後

自焚死

舉人惠

斌爲崇正學

校教習

從戰北

城中礮

死

舉人奎

成率兵敗

子隨妻

多英投

井死

武舉人

德森布

守大菜

市竟日

不食邊

牆圯拒

戰中礮

死

章奎成

力戰中

數槍歸

見父兄

皆死痛

哭投井

族弟奎

斌奎莊

同死

生員春

祥城陷

弟借兄

十餘口

縱火自
焚死

生員金

常從戰
北城
中彈死

生員音

德本自
議局還
滿城城

閉徒步

詣多公

死祠自
經

青
臣
殉
惟

叙目第四十八

天之所廢亡也。忽焉智取術馭國本亦孱。癸丑戰後統
治乃專。述辛壬大政紀第一。蜀亂最先而屈最後。繫秉
軸之弗臧而疆臣負詬。次簡端以明厥咎。述四川第二。
江漢滔滔首揭干櫓。列國聞風袒右張楚。述湖北第三。
沅湘橫流元戎先實。德不稱位禍隨及身。惜矣焦陳。吳云
此最近太史公述湖南第四。莽莽三秦民俗悍魯。殲厥旗防。血
殷城土噫豈朝夕之故。述陝西第五。維彼晉民古稱樸
愿。因風肆波陡奮戈鋌。哀哉撫臣盡室而殲。述山西第
六。滇池汨汨風氣阻絕。孕育怪奇震雷起蟄。述雲南第

七秋高大閱師次於灤鄂渚有警執戈以諫患起肘腋
彼昏喪膽述灤州兵事第八武漢鏖兵轉餉千里突扼
其吭王師牽曳羽翼未豐將飛而顛所要不遂卒喪其
元東張西吳雖敗亦書述吳祿貞被刺第九維九江湖
口既爲民有礮壘雲連大江扼守南昌風靡拉如枯朽
惜哉馮公不殉厥官而亡湓口述江西第十貴山峩峩
毒蘊虫沙塵霾障空鬼蜮紛拏張黃旣殲餘孽猶芽誰
建此者始計之差嶽嶽陳公總戎北路銅仁兩戰桑梓
始固民念其功蒸嘗載路述貴州第十一滬瀆岔紛輪
軌交錯九州咽喉凌吳跨越疆吏弗覩棄之如唾健者

有之執中而霸述上海第十二桓桓蘇撫識時之傑困
守孤城業業張鐵雖有驍將規蔽眉睫嘉謨弗庸化爲
碧血述江蘇第十三維浙江潮章蔡徐陶特起一軍誓
抗天驕有志竟成光復名標述浙江第十四八閩茫茫
俠士焉窟狂瀾旣頽誰挽其汨吁嗟樸松相望而沒爲
君則忠處已則拙述福建第十五留後未推外兵先入
剽刼鴟張三日始足旣飽而颺東征不出哀我皖民曷
其有極述安徽第十六顧瞻赳赳其艱其迂吳云憑空突起最是
文章揚旌北伐負弩前驅沈前王後脫險履夷述廣西
勝境第十七南海際天漭泱頌洞風氣盪迴人事斯應連殪

軍帥百司。誠恫民苦。燎原御乃解鞅。述廣東第十八伊
犁萬里中阻。沙漠肝蠻通聞。將軍慘殉。中丞赫怒。誓張
撻伐。胡云義旗。祇知討賊。冤憤未伸。清歷已革。赫赫揚
公和輯。西戎安內。攘外沙漠。揚名述新疆第十九。白幟
飛揚。轉瞬而弭。相臣之猷。志士之恥。股肱旣安。醫徐踵
趾。芝朶登萊。義麾可指。述山東第二十。漠北蒙民。風氣
顛顛。書軌不同。亘數百年。同光未造。馭之失道。強鄰誘
之。畔援呼嘯。東踰長白。西訖天山。屠我邊氓。塞草爲殷。
詳著始末。國人警焉。述外蒙第二十一。維西南夷。獠狔
所窟。生民育之。王臣斯蹶。觥觥趙公。負羽過征。燎燔獮

薤七載而寧國恥旣湔行省斯度藏亂川隕康復崩裂
感述前勳以企來哲述西康第二十二畿輔震怵積威
難自異遼瀋鷄林及隴西豫亂有宏纖氣皆憤鬱民視
旣移天命斯去述直隸河南東三省甘肅第二十三橫
海爲軍仰食於陸陸盡入敵靡所得粟推之挽之九江
之曲京口聞風帆檣競集述海軍第二十四列辟異風
政靡所出金陵天險朱明所宅卽此建邦選衆舉德積
薪叔桺朽索爲束述南京政府第二十五戊戌庚子女
辟凶恣及其終也乃無一土瓦解土崩禪讓以名

吳云以議

論行之尺幅具有千里之勢
正太史公所跌宕自喜者也
述清室禪政記第二十六

四海橫流。放之使決。汜濫既窮。乃定於一。五族和同。創
開新局。述北京政府成立記第二十七。數月之間。號令
三嬗。雖秦未隋。季淫暴之朝。無此速焉。表其事之大者。
以究世變。述辛壬之際。月表第二十八。民者國之本。立
法之主。代議之制。要之十年。至共和乃覩。述國會第二
十九。光宣之間。百司改革。訖共和。益內外畫一。述官制
第三十。國基初建。萬方岢嶮。馴之擾之。未遑制作。簡率
因襲。誰爲綿叢。述禮制第三十一。昉昉禹甸。至清而大
共和。承之仍舊貫。而治級疏焉。述全國行政區域廢置
表第三十二。黨人革命。多少年俊傑。徒手搏搏。踵武泗

血談笑兒嬉氣貫虹月風聲所樹九夏同作源遠流分
析其派別述革命源流第三十三懸車林下三易寒暑
彼乘權者會莫我覩海水揚波執舵無主中外喁喁艱
大斯屬開新奠舊一反手只此何故哉稽厥前史述袁
大總統事畧第三十四惟民國先烈望景顛蹶愿則羅
嬰黠或網脫積二十年訖辛亥秋八月楚殺三士大亂
以作述民黨死事傳第三十五氣不得伸激爲英烈吳
徐張黃或中或不最後一彭宗社黨覆述民黨死事傳
第三十六黃花之崗七十二碣血洒羊城千載猶熱豈
其不知以卵觸石繫之維之曰爲國死誰歟問天訟此

繁。寃。述。民。黨。死。事。傳。第。三。十。七。民。軍。既。起。如。火。如。茶。人。

自。爲。戰。若。治。其。私。恣。睢。賈。禍。間。亦。有。之。吳云龍門意態述。民。黨。

死。事。傳。第。三。十。八。灤。河。湯。湯。榆。塞。遼。陽。俠。士。出。入。卒。伍。

猖。狂。禍。機。猝。發。鬱。爲。國。殤。吳云造語雄俊述。民。黨。死。事。傳。第。三。

十。九。手。持。霹。靂。爲。國。祈。福。閉。門。合。藥。身。試。其。毒。述。民。黨。

死。事。傳。第。四。十。遽。獵。高。位。望。之。不。似。似。此。多。矣。而。茲。獨。

否。述。民。黨。死。事。傳。第。四。十。一。死。者。人。之。所。難。雖。猝。與。禍。

會。亦。或。以。免。蹈。危。履。難。巧。者。愚。之。仁。者。矜。焉。凡。十。八。省。

傳。祇。八。十。詳。畧。不。同。附。見。有。之。以。寡。而。貴。存。厥。姓。字。顯。

幽。闡。微。詔。後。百。世。述。清。臣。殉。難。記。第。四。十。二。第。四。十。三。

第四十四第四十五第四十六第四十七維滋濱老人

束髮受書帖括之餘酷嗜讀史及其既長負笈尋師私
淑歸姚近接張吳耳食既久於馬班六一諸先哲遺書

漸有所悟招摭緒論攻研討甄久之岑岑氣若有蘊

吳云

此段稍覺繁衍能稍擿削之益佳然時方年少志厲氣雄遵循乎庭訓

企慕乎智名勇功未甘以放廢終也及既通籍列於朝

士引瞻乎當代卿相默察乎形勢恣恣芘芘筋骨艱乏

力弗能任而後慨然太息於揚子雲之甘心祿隱榮古

賤今其衷曲隱約難明而不得不別謀自溷也會辛亥

亂天統既移新邦斯建事雖數月混莽糾錯振古以還

所未有也。爰感愴發憤，朝夕執筆，纂述其事。凡公私報
紙及私家記述，靡不甄錄，存其事實，而刊落其偏私。劬
劬瘁瘁，如製敝衣，百衲補綴，牽於人事中，經亂離，作輟
不常。自辛亥冬迄於今，茲歷十二載，乃克成書。凡四十
六篇，都三十萬餘言。太史公曰：余述故事，整齊其世傳，
非所謂作也。又曰：此人皆意有所鬱結，不得通其道，故
述往事，思來者。三復斯言，廢書而歎。故輒條其未盡之
義，次爲辛壬春秋叙目第四十八。

此篇評點全用吳北江

吳云體格極高，直接子長子雲，蓋二千年於茲不見
此作矣。琢句造詞，亦皆高古，與體勢相稱。

宣統

三年

朔十一廿一月 朔十一廿一月 朔十一廿一

正月庚子庚戌庚申二月庚午庚辰庚寅三月己亥己酉己未
四月己巳己卯己丑五月戊戌戊申戊午六月丁卯丁丑丁亥
閏育丁酉丁未丁巳七月丙寅丙子丙戌八月乙未乙巳乙卯
九月乙丑乙亥乙酉十月乙未乙巳乙卯十一月甲子甲戌甲申
十二月甲午甲辰甲寅

民國元年

二月丁未丁巳丁卯三月丙子丙戌丙申四月丁未丁巳丁卯

五月丁丑丁亥丁酉六月戊申戊午戊辰七月戊寅戊子戊戌
八月己酉己未己巳九月庚辰庚寅庚子十月庚戌庚申庚午

七月辛巳辛卯辛丑七月辛亥辛酉辛未

二年壬午壬辰壬寅二月癸丑癸亥癸酉三月辛巳辛卯辛丑

四月壬子壬戌壬申五月壬午壬辰壬寅六月壬子壬戌壬申

七月癸未癸巳癸卯八月甲寅甲子甲戌九月乙酉乙未乙巳

十月乙卯乙丑乙亥十月丙戌丙申丙午十一月丙辰丙寅丙子

大著體裁峻整詞筆雅潔紀述情勢明練簡覈使芬亂之源瞭如指掌而行文之妙尤往往有弦外音非老於文學者決不能仿效一二至其提頓鉤勒界畫之處悉本史公家法尤非淺學小才所能夢見自歐史而後數百年來無此閎文偉製矣民國成立十有餘年而史乘闕如羣情所同憾此書出世當爲一時鉅典司史籍者踵而續之以備國史之制作也

弟
吳闔生讀過敬志

鈔胥之誤偶有見及隨手代爲校正亦尙未盡字句間亦間有鄙見代爲增易者未敢自信尙祈高明酌

核爲要

內務部註冊

特許版全

翻印必究